



МЕСЯЦА МАЯ В 6-й ДЕНЬ

Святáго и прáведнаго Йова Многострадáльнаго

НА ВЕЧЕРНИ

Блажén муж: 1-й антифóн: На Гóсподи, воззвáх:
стихíры, глас 4.

Подóбен: Дал есѣ знáмение:

Прáведен и незлóбив, / ѳстинен же, и непорóчен, и вéрен, / и всѣкия огребáясь, Йове, злѣя вѣщи, / познán был есѣ, блажénне, / украшен добродѣтелями я́ко воистинну / и благочѣстием сияя. / Тѣмже ты ублажáем / и святóе твоѣ днесь и честнóе / прáзднуем, рáдующеся, торжествó.

Богáтством благочѣстия, / я́ко багрянницею многоцѣнною, украшен, / непорóчный Йове, / мѣлостию, прáвдою, я́коже Божѣственным венцем, одѣян, / над страстьми томящими ты цáрствовал есѣ. / Тѣмже к цáрством разумным преста́вился есѣ, / Царю, преславне, Вѣчному предстояти.

Йова, непобедимаго во искушѣниях бѣвша, / плóти своея я́звами столпá непоколебимаго, / мужеству забрáло, всем познána бѣвша / мудролюбным пóмыслом, / диáволу жáла сокрушивша, / Божѣственного и Богомúдраго, / благочестѣвым утверждѣние, / Госпóдня непорóчнаго восхвáлим угóдника.

Пóмощь, ю́же от Бóга, / имѣя себе спобóрницу, / я́ко во́ин дóблестнейший, / на борѣние за добродѣ-

тель изшел еси, Йове, / и, в нестерпимых гнойных язвах сый, / безмерно хвалящаяся врага одолев, посрамил еси, / темже и достойную почесть победы восприял еси от Господа. / Того моли, блаженне, о душах наших.

Слава, и ныне, праздника.

Вход. Прокимен дне и чтения.

Йова чтение (глава 1, 1—12):

Человек некий быше во стране Авситидийстей, / емуже имя Йов, / и бе человек он истинен, непорочен, праведен, богочестив, / удаляясь от всякия лукавыя вещи. / Быша же ему сынове семь и дщери три. / И быху скоти его, овец семь тысяч, / вельблюдов три тысячи, / супруг волов пять сот, / и ослиц пасомых пять сот, / и слуг много зело, / и дела велия быху ему на земли, / и бе человек оный благороднейший сущих от восток солнца. / Сходящиеся же сынове его друг ко другу, / творяху пир на кийждо день, / споемлюще вкупе и три сестры своя ясти и пити с ними. / И егда скончавашася дне пира, / послаше Йов и очищаше их, / востая заутра, и приношаше от них жертвы по числу их / и тельца единого о гресе о душах их. / Глаголаше бо Йов: / негли когда сынове мой согрешиша / и в мысли своею злая помыслиша противу Бога. / Тако убо творяше Йов вся дни. / И бысть яко день сей, / и се, приидоша Ангели Божии предстати пред Господем, / и диавол прииде с ними. / И рече Господь диаволу: / откуда пришел еси? / И отвещав диавол Господеву, рече: / обшед землю и прошед поднебесную, се есмь. / И рече ему Господь: / Внял ли еси мыслию твоею на раба Моего Йова? / зане несть, яко он, на земли: / человек непорочен, истинен, богочестив, / удаляясь от всякия лукавыя вещи. / Отвещав же диавол и рече пред Господем: / еда туне Йов чтит Господа? / Не Ты ли оградил еси внешняя его, и внутренняя дому его, / и яже вне всех, сущих его окрест? / Дела же руку его благословил еси / и скоты его многи сотворил еси на земли, / но послы руку Твою и коснися всех, яже иматъ, / аще не в лице Тя

благословит? / Тогда рече Господь диаволу: / се, вся, елика суть ему, даю в руку твою, / но самого да не коснешися. / И изыде диавол от Господа.

Иова чтение (глава 1, 13—22):

Бысть яко день сей, / сынове Йовлевы и дщери его пяху вино в дому брата своего старейшаго. / И се, вестник прииде ко Иову и рече ему: / супрузи волов оряху, / и ослицы пасяхуся близ их, / и пришедше пленителие, плениша их и отроки избиша мечем, / и спасохся аз един и приидох возвестити тебе. / Еще сему глаголющу, / прииде ин вестник и рече ко Иову: / огонь спадет с небес, и пожжет овцы, и пастыри поядет подобне, / спасохся же аз един и приидох возвестити тебе. / Еще ему глаголющу, / прииде ин вестник и рече ко Иову: / конницы сотвориша начальства три / и окружиша велблуды и плениша их, / и отроки избиша мечми, / спасохся же аз един и приидох возвестити тебе. / Еще сему глаголющу, / ин вестник прииде, глаголя Иову: / сыном твоим и дщерем твоим, ядущим и пьющим у брата своего старейшаго, / внезапно ветр велик найде от пустыни / и коснулся четверем углом храмины, / и падет храмина на дети твоя, и скончашася; / спасохся же аз един и приидох возвестити тебе. / Тако (услышав) Иов, востав, растерзал ризы своя / и остриже власи главы своея, / и посыпаша перстию главу свою, / и пад на землю, поклонися (Господеву) и рече: / сам наг изидох от чрева матере моея, / наг и отиду тамо. / Господь даде, Господь отъят, / яко Господеву изволися, тако бысть. / Буди Имя Господне благословенно (во веки). / Во всех сих, приключившихся ему, ничтоже согрешит Иов пред Господем, / (ниже устнама своима,) и не даде безумия Богу.

Иова чтение (глава 2, 1—10):

Бысть яко день сей, / и приидоша Ангели Божии предстати пред Господем, / и диавол прииде посреде их предстати пред Господем. / И рече Господь диаволу: / откуду ты грядеши? / Тогда рече диавол пред Господем: / прошед поднебесную и обшед всю землю, приидох. / И рече Господь ко диаволу: /

внял ли еси́ ўбо (мыслию твоёю) рабу́ Моему́ Йову?/ Яко несть такова́ от сущих на земли:/ человек незлѡбив, истинен, непорѡчен, богочестив,/ удаляясь от всякаго зла,/ ещё же придержитя незлѡбия;/ ты же рекл еси́ имения его́ погубити вотще./ Отвещав же диавол Господеви, рече:/ кожа за кожу, и вся, елика имать человек, даст за дѹшу свою,/ обаче послѣ руку Твою́ и коснѣся костѣм его́ и плѡти его́,/ аще не в лице́ Тя благословит?/ Рече́ же Господь диаволу:/ се, предаю́ ти его́, то́кмо дѹшу его́ соблюди./ Изыде же диавол от лица́ Господня и порази́ Йова гно́ем лю́тым от ногѹ да́же до главы́./ И взя (Иов) чреп, да острога́ет гной свой,/ и той седя́ше на гно́ищи вне гра́да./ Вре́мени же мно́гу мину́вшу,/ рече́ к нему́ жена́ его́:/ доко́ле терпи́ши, глаго́ля:/ се, пождѹ время́ ещё́ ма́ло,/ ча́я наде́жди спасе́ния моего́./ Се бо потребѣся от земли́ па́мь тво́я,/ сы́нове твои́ и дщѣри, моего́ чре́ва болѣзни и труды́,/ ими́же вотще́ трудѣхся с болѣзньми,/ ты же сам в гно́й черве́й седи́ши,/ обнощевая́ вне без покро́ва,/ и аз скита́ющися и служа́щи, ме́сто от ме́ста преходя́щи/ и дом от до́му, ожида́ющи со́лнца,/ когда́ за́йдет,/ да почи́ю от трудовъ моѣх и от болѣзней,/ я́же мя ны́не обдержат;/ но рцы́ глаго́л не́кий ко Господу́ и умри́./ Он же, возрѣв, рече́ к ней:/ вскѹю́, я́ко едина́ от безѹмныхъ жен, возглаго́лала еси́?/ Аще́ благая́ при́хот от рукѣ́ Господни, / злыхъ ли не стерпи́м?/ Во всехъ сихъ, приключившихся́ ему́,/ ничѣмъже согреши́ Йов устна́ма предъ Бо́гом/ (и не даде́ безѹмия́ Бо́гу).

На литѣи стихѣра хра́ма или́ прѣзднака, та́же настоя́щая стихѣра свѣта́го, гласъ 1:

Многострада́льнаго, ве́рнии, восхва́лим Йова,/ я́же прѣ́жде зако́на пра́ведника/ и прѣ́жде проро́ков проро́ка,/ вне ро́да и за́вета Авраа́мова/ ве́ру Авраа́млю до́бре сохрѣ́ншаго,/ страда́ньми своѣ́ми стра́сти Христо́вы предъизобра́зѣвшаго,/ и ны́не в Вы́шнихъ селе́ниихъ со Христо́м ца́рствующа́го/ и моля́щагося о ду́шахъ на́ших.

Сла́ва, и ны́не, прѣзднака.

На стихóвне стихіры, глас 6:

Богáтством избóбилуя, / к сему́ отню́д не прилепѣлся еси́ сѣрдцем твоим / и, егда́ ты враг попущёнием Бóжиим лишї тогó, / благословѣл еси́ Бóга, глаго́ля: / Господь даде́, Господь отъя́т; / буди́ Имя Господне́ благословенно. / Тогó моли́, блаженне́ Йове, / да и нас научи́т не уповáти на богáтство гѣбнущее / и спасѣ́т ду́ши нáша, я́ко Человеколю́бец.

Стих: Блажен муж, боя́йся Гóспода, / в за́поведех Егó восхо́щет зело́.

Мно́гою чѣстию́ и сла́вою почтѣн, / не превозно́силъ еси́ во умѣ твоём, / но спасáл еси́ страдальца вопи́юща / и сироту́ беспомощна, / и сѣрдцу вдови́цы рáдость приносѣл еси́, / и утѣшитель пла́чущих был еси́. / И ны́не на Небесѣх вѣшнїя сла́вы и чѣсти сподóбился, / моли́, всеблаженне́, Христа́ Бóга нáшего, / да сохранѣ́т и нас от богомѣрзкїя горды́ни / и спасѣ́т ду́ши нáша, я́ко Человеколю́бец.

Стих: Сла́ва и богáтство в домѣ Егó, / и прáвда Егó пребывáет в век вѣка.

Око́ был еси́ слепым, / ногá же хромым и отѣц ни́щим, / прáведный Йове, / в прáвду облачалъ еси́, / одева́лся же еси́ в суд, я́ко в рѣзу. / Тѣмже моли́ся Христу́ Бóгу, / да и в нáша сѣрдцá вдохнѣ́т рѣвность / к подви́гом христиáнскаго милосѣрдїя и правосудїя / и спасѣ́т ду́ши нáша, я́ко Человеколю́бец.

Сла́ва, глас то́йже:

Дал еси́ нам образ терпѣ́ния и мѣ́жества, / Преблагї́й Гóсподи, / угóдника Твоегó Йова, / во всех приклóчшихся ему́ злострадáниих / ничѣмже согрѣшѣ́вша пред Тобóю, ниже́ устна́ма своѣма, / и не да́вша безумїя Тебѣ́, Бóгу нáшему. / Тогó моли́твами и нас сотвори́ / победѣ́тели многоразлѣ́чных искуше́ний / и спасѣ́т ду́ши нáша, я́ко Человеколю́бец.

И ны́не, прáздника.

Тропáрь, глас 1:

Богáтство вѣдев добродѣтелей Йовлих, / укра-
сти кознствоваше прáведных враг, / и, растер-
зав столп телесé, / сокрóвище не украде дýха, /
обрéте бо вооружéну непорóчнаго дýшу, / менé же
и, обнажив, пленí, / предварív убо мя прéжде
концá, / избáви мя, льстíваго, Спáсе, и спасí мя.

Ин тропáрь, глас 2:

Пáмьять прáведнаго Твоегó Йова, Гóсподи, прáz-
днующе, / тем Тя мо́лим: / избáви нас от навéтов
и сетей лукаваго диáвола / и спасí дýши нáша, я́ко
Человеколюбец.

Слáва, и ны́не, Богорóдичен.

НА УТРЕНИ

**На Бог Госпóдь: тропáрь прázдника, дважды.
Слава, свята́го. И ны́не, прázдника.**

По 1-м стихослóвии седáлен, глас 3:

Утѣшителie дрúзи, вмéсто éже облегчíти невин-
ная страдáния прáведнаго, / мнóжайшия досажде-
ния и мýки приношáху ему́ неправедными глаго́-
лы, / тэмже и мнóжайшии венцы́ уготóвашася томú
от Гóспода, / заступáющаго правыя сёрдцем.

Слáва, и ны́не, прázдника.

По 2-м стихослóвии седáлен, глас тóйже:

Сугýба въздаяния прíят Йов на землí, / исполнь-
шуся врéмени искушéния егó, / и мнóжайшия
пóчести обрéте на Небесí за вéру и терпéние, /
научáя всех не отчáявáтися во искушéниих, / но
уповáти на Бóга, спаса́ющаго правыя сёрдцем.

Слáва, и ны́не, прázдника.

Величáние:

**Величáем тя, / святýй прáведный Йове, / и чтим
святýю пáмьять твою́, / ты бо мо́лиши за нас /
Христá Бóга нáшего.**

**Псалóм избрáнный зри на Усекновéние главы́
свята́го Иоáнна Предтéчи, в 29-й день áвгуста,
кромé послéдняго стихá.**

По полиелѣи седáлен, глас 1:

Богáтство добродѣтелей **Йов**лих **вѣде**в, / **укра́сти** то́е **ухищра́**шеся **злокóзненн**ый, / **оба́че**, **подкопа́в** хра́мину **телѣсн**ую, / **отнѣд** не **возмо́же** **плени**ти **сокро́вища** **духо́внаго**, / **обре́те** бо **ду́шу** **пра́ведни**ка **до́бре** **укрепле́ну** и **воору́жену**, **те́мже** и **отгѣде**, **посра́млен**. / **Но** **тогó** **ловле́ния** **изба́ви**, **Бо́же**, **ду́ши** **на́ша**.

Сла́ва, и ны́не, пра́здника.

Степе́нна, 1-й антифо́н 4-го гла́са. Прокі́мен, глас 4: **Пра́ведник**, **я́ко** **фи́никс** **процвѣте́т**, / **я́ко** **кедр**, **и́же** в **Ливáне**, **умно́жится**. **Стих:** **Наса́жде**ни в **дому́** **Госпо́дни**, в **дво́рех** **Бо́га** **на́шего** **процвѣту́т**. **Вся́кое** **дыхáние:** **Ева́нгелие** **от** **Матфе́я**, **зачáло** 43.

По 50-м псалме́ стихі́ра, глас 6: **Дал** еси́ **нам** **о́браз** **терпе́ния** и **му́жества:** **зри** **сла́вник** **на** **стихо́вне**.

Кано́н, егóже **краегра́не́сие**, **без** **Богоро́дично**в: **Тьмо**страда́льнаго **достóйно** **пѣти** **Йова**. **Глас 4.**

Песнь 1

Ирмо́с: **Ли́цы** **изра́ильтестии**, / **невла́жными** **стопа́ми** / **понт** **Чермнѣй** и **вла́жную** **глубину́** **прогна́вше**, / **вса́дники** **триста́ты** **враги́** **вѣдяще** в **ней** **погру́жены**, / **с** **весѣлием** **по́яху:** / **пойм** **Бо́гу** **на́шему**, **я́ко** **просла́вися**.

Кре́пкаго **адама́нта**, **терпе́ния** **венце́м** **укра́ше**на, / **Христо́ва** **Цѣрковь**, **умны́ма** **зря́ци** **очи́ма**, / **торжествует** в **ра́дости**, **вопи́ющи:** / **пойм** **Бо́гу** **на́шему**, **я́ко** **просла́вися**.

Ни **язы́к** **прему́дрых** **возмо́жет**, **ни** **ум** **челове́чь** **посты́гнути** **похва́лы** **твоея́**, / **и́бо** **несозда́нный** **язы́к** **тя** **Богочесті́ва**, **и́стинна** и **непоро́чна** **наре́че**. / **Те́мже** **согла́сно** **вопи́ем:** / **пойм** **Бо́гу** **на́шему**, **я́ко** **просла́вися**.

Непщевáв **богáтством** **огра́жде**на, **подви́жно** **побе́дити** **пра́ведника** **испро́шае**т **льсти́в**ый, / **и**, **обна́же**нием **ну́жно** **побори́в**, **разсе́де**ся, **терпе́нием** **бо** **вопи́аше:** / **пойм** **Бо́гу** **на́шему**, **я́ко** **просла́вися**.

Богоро́дичен: **Ли́цы** **Тя** **проро́честии** **пою́т**, **Чи́стая**, и **Безплóтных** **мно́жества** **почита́ют**, / **и́бо**

Зиждителя всех, из утробы Твоей несказанно
прошедшаго, зряще. / Сему немолчно поют: / поим
Богу нашему, яко прославися.

Песнь 3

Ирмос: Лук сильных изнеможе, / и немощствующи
препоясашася силою, / сего ради утвердися
в Господе сердце мое.

Пребывал еси, непреклонен умом, / ты, любезных
детей и богатства обнажен, воспевая: / благо-
словенно Господа моего имя.

Вещь добродетели сотворил еси, богатство и
нищету, / обоими бо разжигаемь, яко злато, / седме-
рицею, явился еси искуснейший.

Глаголом жены приложиися, якоже начальному
родителю, / злобы начальник змий тебе, / но солгася,
коварством без меры хваляйся.

Богородичен: Радуйся, Мати Неискусобрачная,
Яже Бога Слова во утробе Твоей вмещши / и
рождши воплощенного, яко Бога купно и Человека.

Кондак, глас 8.

Подобен: Яко начатки:

Яко истинен и праведен, Богочестив и непорочен,
/ освящен же являясь, всеславне, Божий
угодниче истинный, / просветил еси мир в терпении
твоём, терпеливейший и доблейший. / Темже
все, Богомудре, память твою воспеваем.

Таже седален, глас 3.

Подобен: Красоте девства:

Иова непорочнаго и чистейшаго, превысокаго
столпа / и непобедимаго хитростью врага бывша
духом, / все ублажим и верно восхвалим, велика
угодника Христу бывшаго, / и сего прилежно
моляща спасти от бед души наша.

Слава, и ныне, праздника.

Песнь 4

Ирмос: Услышах славное смотрение Твое, Хри-
сте Боже, / яко родился еси от Девы, / да от лести
избавиши зовущия: / слава силе Твоей, Господи.

Довольнейший образ и столп одушевлен нам добродетелей Иов непорочный показася, / ему же ревнители ны, вопиющия, сотвори: / слава силе Твоей, Господи.

Исцелевает твоего благосилия и терпения незлобных душ во гноении страдания, / еже во Едеме сущаго преступлениа исцеление, Иове преблаженне.

Помыслом разсуждая преподобным, воспеваше Иов: / благая приемше от Господа, болезненная доблественно не стерпим ли? / Слава силе Твоей, Господи.

Богородичен: Неискусобрачная Богоневесто, Яже Спаса рождши плотию, / Тя воспеваем, Препрославленная, и немолчно сиче Тебе взываем: / радуйся, Предстательнице Твоих рабов.

Песнь 5

Ирмос: *Воссиявый свет, / и просветивый утро, и показавый день, / слава Тебе, слава Тебе, / Иисусе, Сыне Божий.*

Утешающе от лютых, приложше струпом твоим болезни, / множайшия тебе исплетоша венцы, Иове славне.

Юношски в лютых непобедим явился еси / и в богатстве к досаждению, праведниче, не взятся, Иове непорочне.

Невредимо душевное хранило назидая, / доблественно терпел еси, славне, вражью лютую бурю.

Богородичен: Ангелов глас немолчно тварь приношает Тебе, Дево: / радуйся, Мати Чистая Иисуса, Сына Божия.

Песнь 6

Ирмос: *Возопи, прообразуя погребение тридневное, / пророк Иона, в ките моляся: / от тли избави мя, Иисусе, Царю сил.*

Дивится слух, наслаждаяся словес твоих, / яко уста таин показался еси исполнена / сотворшаго и научшаго тя Божественнаго Духа.

Исцеляя скорбящему болезнь сердца, / от очию милосердия проливал еси слезы, / предстоя сирым и вдовицам, Иове славне.

Жити́е твоё благочестное и боголюбное бысть, / сего́ ради и смерть явися покой, / и к непрестанному веселию, Иове, преставился еси́.

Богородичен: Мо́лимся о рабѣхъ Твои́хъ, Пренепоро́чная Богородице, / из Тебѣ Воплощённаго мо́ли, / яко́ Тя еди́ну Предста́тельница́ нашу́ зна́ем.

Конда́к и ѵ́кос пра́здника.

Песнь 7

Ирмо́с: Спасѣ́й во огнѣ́ авраа́мския́ Твоѣ́ о́троки / и халде́и убѣ́в, / я́же пра́вда пра́ведно уловля́ше, / препе́тый Го́споди, / Бо́же оте́ц на́ших, благослове́н еси́.

Зако́нных не невку́сен сѣ́й, но проро́ков и зако́на нося́ исполне́ние, Иове, / за любо́вь Бо́гу угоди́л еси́, воспева́я: / препе́тый Го́споди, Бо́же оте́ц на́ших, благослове́н еси́.

Не сниска́в сокрово́ица на земли́, но на Небесе́х упова́ние, / яко́ прахъ, вмени́л еси́ зла́то, Бо́гови же пе́ти возжелáл еси́: / препе́тый Го́споди, Бо́же оте́ц на́ших, благослове́н еси́.

Любе́ тя ча́д и имене́ния обнажи́ пра́ведных врагъ, / души́ же твоея́ кре́пость не преста́ вопѣ́ти: / препе́тый Го́споди, Бо́же оте́ц на́ших, благослове́н еси́.

Тро́ичен: Сло́во и Ду́х от Отца́, Еди́но Триипоста́сное естество́ / богосло́вяще благочестно, Богому́дри, ве́рою вопие́м: / препе́тый Го́споди, Бо́же оте́ц на́ших, благослове́н еси́.

Богородичен: Безбра́чно во чре́ве вѣ́ше сло́ва при́ймшу Непременна́го Бо́га, / мѣ́лостію челове́ком прича́щагося, благочестно воспе́ем / яко́ Ма́терь Бо́жию во ве́ки.

Песнь 8

Ирмо́с: Во о́бразе А́нгела, / я́вльшагося в пе́щи о́гненной песносло́вцем, / Христа́ Бо́га по́йте, о́троцы, / священни́цы, благослови́те, / лю́дие, превозно́сите во вся ве́ки.

Торжествует весь пра́зднующих в Вѣ́шних ликъ с чудеснымъ воспева́емымъ Иовомъ: / по́йте, о́троцы, священни́цы, благослови́те, / лю́дие, превозно́сите во вся ве́ки.

Усугуби тебе венцы на земли и на Небеси Подвигоположник, Богомудре Иове. / Темже взываеши: / священницы, благословите, людие, превозносите во вся веки.

Исцеления душам же и телом / гноение твоея плоти источает, пребогате, воспевающим: / священницы, благословите, людие, превозносите во вся веки.

Недуг и здравие, богатство и нищета воскипеша в житии твоём, блаженне, / светел бо явлься всеми, зовещи: / людие, превозносите во вся веки.

Богородичен: **Неизреченно** и без семене зачешую / и рождшую радость вселенней, Христа Бога, / пойте, отроцы, священницы, благословите, / людие, превозносите во вся веки.

Песнь 9

Ирмос: **Ева** убо недугом преслушания клятву вселила есть, / Ты же, Дево Богородице, / прозябением чревоношения / миру благословение процведи еси. / Тем Тя вси величаем.

Иов убо терпения светлостью достойно венчаша, / ты же плачещи и сетуещи, не терпя праведного венца, / суетно бо надеявся, посрамился еси, сатане, единые праведников враже.

Яко достижно человеком видети, славу Твою усмотрив безсмертную, / страхом удержан быв и благоговением, возопи Иов, зело трепетен: / пепел есмь и земля, Ты же Господь. / Тем тя вси величаем.

Книги тя достойно животныя прияша / и сокровища небесная, яко пшеницу зрелу сущу, / и исполнь дней духовных, Иове, угодниче Господень блаженне. / Тем тя вси ублажаем.

Троицен: **Единице** Триипостасная, Честная Троице и единославная Пресвятая, Боже наш, / свет и жизнь и нетление миру показала еси, / зовущия Твоя рабы от лести спаси, да верую Тебе поклонимся.

Богородичен: **Премудрости** вместилище, паче ума лучшее, / показала еси, Отроковице Пренепорочная, / одушевлен престол же и дверь, / темже, яко Царицу возлюбивше девы Тя, Дево, / в след Тебе приведошася Богоотроковицы.

Светилен:

**Йова непорóчнаго и чистейшаго, / столпá благо-
честия твердейшаго, / хитростьми врагá непобеж-
дена пребывшаго, / ублажим вси и верно восхва-
лим, / яко великаго угодника Бóжия, / прилежно
молящася спастися от бед душам нашим.**

Слава, и ныне, праздника.

**На хвалитех стихиры праздника 3 (писаны на
стиховне) и святаго 3, глас 4:**

**Недоумеем по достойнию / восхвалити тя, Йове: /
Сам бо Господь Вседержитель, / Иже сердца и
утробы испытуй / и тайная человеков ясно ве-
дый, / яко праведна и истинна, / непорочна же и
богочестива / паче всех, тогда бывших на земли,
похвали ты. / Но Того Престола предстои ныне на
Небеси, / не забуди, всехвальне, / совершающих с
любовию святую память твою.**

**Ни отъятие имений, / ни лишение любезных
чад, / ни язвы и струпи лютейшии, / ниже увещан-
ия супружницы / возмогоша ослабити крепкую
веру и надежду твою / на Бога Благого и Правед-
наго, / но, яко адамант некий, / посреде сих всех
непоколебим пребыл еси. / Сицевую твердость во
искушениях и нам испроси, многострадальче, / с
любовию совершающим святую память твою.**

**Бога видел еси, Йове, / в вихри бурнем являшася
тебе, / и с Ним беседовал еси, / и Того безпредель-
ное могущество, / свою же немощь и неведение
исповедал еси. / Того ныне лицом к лицу в Вышних
селениях созерцая, / поминай и нас, блаженне, / с
любовию совершающих святую память твою.**

Слава, глас 8:

**Яко истинен и непорочен, / праведен и богоче-
стив явивыйся, славне Йове, / просветил еси мир
добрим житием твоим / и образ злострадания и
терпения всем был еси. / Темже чтим память твою и
воспеваем страдания твои, / вернейший служите-
лю Божий.**

И ныне, праздника.

**Славословие великое, и прочее, якоже
обычно, и отпуст.**

НА ЛИТУРГИИ

Блаженны праздника, песнь рядовая и святáго 6-я. Прокíмен праздника и святáго, глас 7: Возвеселíтся праведник о Гóсподе / и упováет на Него́. Апóстол дне и святáго, от Собóрнаго послáния Иáковля, зачáло 57. Евáнгелие дне и святáго, от Матфе́я, зачáло 10. Причáстен праздника и святáго: В пáмять вéчную бóдет праведник:

ИН УСТАВ НА ЛИТУРГИИ

Прокíмен, глас 7: Честна́ пред Гóсподем / смерть преподóбных Егó. Стих: Чтo воздám Гóсподеви о всех, яже воздаде́ ми? Апóстол к Галáтом, зачáло 213. Аллилу́ия, глас 6: Блажен муж, бойся́ Гóспода, в заповедех Егó восхóщет зело́. Стих: Сíльно на землí бóдет се́мя егó. Евáнгелие от Матфе́я, зачáло 43. Причáстен: В пáмуть вéчную бóдет праведник:

Указ о праздни́це святáго.

зри **Аще случíтся пáмуть праведнаго Йо́ва в Недéлю миронóсиц, илí разсла́бленнаго, илí в сре́ду Преполовэ́ния, илí в Недéлю самаряны́ни, илí слепáго, илí во отдáние Пáсхи, илí в четвeртóк Вознесэ́ния, илí в недéлю 7-ю по Пáсце, совершáется все послéдование слóужбы по уставу о праздни́це святáго апóстола и евангелiста Иоáнна Богослóва.**

Святой праведный Иов Много-страдальный жил за 2000—1500 лет до Рождества Христова, в Северной Аравии, в стране Авситидийской, в земле Уц. Жизнь и страдания его описаны в Библии (Книга Иова). Есть мнение, что Иов приходился племянником Аврааму: был сыном брата Авраама — Нахора. Иов был человеком богобоязненным и благочестивым. Всею душой он был предан Господу Богу и во всем поступал согласно Его воле, удаляясь от всего злого не только в делах, но и в мыслях. Господь благословил его земную жизнь и даровал праведному Иову большое богатство: у него было множество скота и всякого имения. Семь сыновей праведного Иова и три дочери были дружны между собой и собирались на трапезу все вместе, поочередно у каждого из них. Постоянно, через семь дней, праведный Иов приносил за своих детей жертвы Богу, говоря: «Может быть, кто из них согрешил или похулил Бога в сердце своем». За справедливость и честность святой Иов был в великом

почете у сограждан и имел большое влияние на жизнь единоплеменников.

Однажды, когда перед Престолом Божиим предстали Святые Ангелы, явился между ними и сатана. Господь Бог спросил сатану, не видел ли он раба Его Иова, мужа праведного и чуждого всякого порока. Сатана дерзко отвечал, что недаром богобоязнен Иов — Бог бережет его и умножает его богатства, но если наслать на него несчастья, то он перестанет благословлять Бога. Тогда Господь, желая показать терпение Иова и веру его, сказал сатане: «Все, что есть у Иова, Я предаю в твои руки, только самого его не касайся». После этого Иов внезапно лишился всех своих богатств, а потом и всех своих детей. Праведный Иов обратился к Богу и сказал: «Нагим вышел я из чрева матери моей, нагим и возвращусь к матери своей земле. Господь дал, Господь и взял. Да будет Имя Господне благословенно!» И не согрешил Иов перед Богом, и не произнес ни одного неразумного слова.

Когда Ангелы Божии вновь предстали перед Господом и среди них сатана, то диавол сказал, что Иов праведен, пока сам невредим. Тогда Господь возвестил: «Я попускаю тебе сделать с ним, что хочешь, только душу его сбереги». После этого сатана поразил праведного Иова лютой болезнью — проказой, которая покрыла его с ног до головы. Страдалец вынужден был удалиться от жилищ людей. Он сел вне города на куче пепла и глиняным черепком скоблил свои гнойные раны. Все друзья и знакомые оставили его. Жена его принуждена была добывать себе пропитание, трудясь и скитаясь из дома в дом. Она не только не поддерживала своего мужа в терпении, но думала, что Бог наказывает Иова за какие-то тайные грехи, плакала, роптала на Бога, укоряла мужа и, наконец, посоветовала ему похулить Бога и умереть. Праведный Иов тяжело скорбел, но и в этих страданиях остался верен Богу. Он отвечал жене: «Ты говоришь, как одна из безумных. Неужели доброе мы будем принимать от Бога, а злого не будем принимать?» И не согрешил праведный ни в чем перед Богом.

Услышав о несчастиях Иова, три его друга пришли к нему разделить его скорбь. Они считали, что Иов наказан Богом за грехи, и убеждали не повинного ни в чем праведника покаяться. Праведник отвечал, что он страдает не за грехи, но что эти испытания посланы ему от Господа по непостижимой для человека Божественной воле. Друзья, однако, не верили и продолжали считать, что Господь поступает с Иовом по закону человеческого возмездия, наказывая его за совершенные грехи. В тяжкой душевной скорби праведный Иов обратился с молитвой к Богу, прося Его Самого засвидетельствовать перед ними его невиновность. Тогда Бог явил Себя в бурном вихре и укорил Иова за то, что он пытался проникнуть своим разумом в тайны мироз-

дания и судеб Божиих. Праведник всем сердцем раскаялся в этих мыслях и сказал: «Я ничтожен, отрекаюсь и раскаиваюсь в прахе и пепле». Тогда Господь повелел друзьям Иова обратиться к нему и просить его принести за них жертву. «Ибо,— сказал Господь,— только лицо Иова я приму, чтобы не отвергнуть вас за то, что вы говорили обо Мне не так верно, как раб Мой Иов». Иов принес жертву Богу и помолился за друзей, и Господь принял его ходатайство, а также возвратил праведному Иову здоровье и дал ему вдвое больше того, что он имел прежде. Вместо умерших детей у Иова родилось семь сыновей и три дочери, прекраснее которых не было на земле. После перенесенных страданий Иов прожил еще 140 лет (всего же он прожил 248 лет) и видел потомство свое до четвертого рода.

По учению Святой Церкви праведный Иов является прообразом Господа Иисуса Христа, сошедшего на землю, пострадавшего ради спасения людей, а потом прославившегося славным Своим Воскресением.

«Я знаю,— говорил праведный Иов, пораженный проказой,— знаю, что Искупитель мой жив и Он восставит из праха в последний день распадающуюся кожу мою, и я во плоти моей узрю Бога. Я узрю Его сам, мои глаза, не глаза другого увидят Его. Чаянием сего иставляет сердце мое в груди моей!» (Иов 19, 25—27).

«Знайте, что есть суд, на котором оправдается только имеющий истинную премудрость — страх Господень и истинный разум — удаление от зла».

Святитель Иоанн Златоуст говорит: «Нет несчастья человеческого, которого не перенес бы этот муж, твердейший всякого адманта, испытанный вдруг и голод, и бедность, и болезни, и потерю детей, и лишение богатства, и затем, испытав коварство от жены, оскорбления от друзей, нападения от рабов, во всем оказался тверже всякого камня, и притом до Закона и Благодати».



Преподобнаго Михея Радонежскаго

НА МАЛОЙ ВЕЧЕРНИ

На Гóсподи, воззвах: **стихіры, глас 4:**

Небесную доброту желая улучшить, / на земли яко
безплóтен подвизался еси, / имѣя посóбие непо-
бедимо — / силу Владыки твоего, / Егóже моли,
Михее преподобне, / спастися душам нашим.

Бóжиею силою укрепляемь, / мысль свою горé
возвышая, / над страстьми воцарился еси / и ныне
Вéчному Царю предстоиши, / о всех присно моля-
ся, / творящих пáмь твою.

Житиѣ твоѣ явися благочестно, / добродетельми
украшено, простотою и смирением, / яко венцем,
венчаемо, / и ныне ликуеши на Небесех со Ангелы,
/ моли Христа Бóга о воспевающих тя.

Слава, глас 6:

Слава твоя пребывает во век, / яко во плóти еще
сущи, / видети сподобился еси Пресвятую
Богородицу / и послужити усердне преподобному
Сéргию, / и ныне на Небесех водворяясь, / молись о
нас ко Гóсподу.

И ныне, Богородичен:

Бóга, из Тебѣ воплотившагося, / разумехом, Бо-
городице Дѣво, / Того моли о спасении душ наших.

На стихóвне стихіры, глас 6:

Владычне смирение восприим, / воду возливая
на рúце вождя твоего / и послушание творя,
страсти огорчая: / и ныне на Небесех царству-
еши с ним во вѣки.

Стих: Честна пред Гóсподем / смерть преподоб-
ных Егó.

Слезными потоки, преподобне, / землю сердца
твоего напоил еси, / предстоя на молитве непоко-
лѣблемо, / и всех Творцú зывал еси: / Гóсподи,
помилуй мя.

Стих: Блажен муж, бойся Господа, / в заповедех
Его восхощет зело.

Страдания подвигов твоих, преблаженне, / Бо-
жественный клас возрастил еси / и питаеши
благочестно восхваляющих тя, / отче наш Михее
преподобне.

Слава, глас 8:

Монахов множества, / приидите, восхвалим уче-
ника Сергиева, / преподобнаго отца нашего Ми-
хее, / егоже память ныне совершаем: / сей бо
посещения Божественнаго сподобися / и слыша
пресладкий глас Небесныя Владычицы, / якоже
Премудрый Епифаний повествует; / похвалим и
весь лик ученический, / иже на Небесех с лики
святых водворяются / и молятся о душах наших.

И ныне, Богородичен:

Владычице, прими молитвы раб Твоих / и
избави нас / от всякия нужды и печали.

Тропарь писан на велицей вечерни. **Слава, и
ныне, Богородичен.**

НА ВЕЛИЦЕЙ ВЕЧЕРНИ

На Господи, возвах: стихиры на 8, глас 4:

От юности возлюбил еси Христа, блаженне, /
плотская мудрования духу повинул еси, / заповеди
Господни усердно исполняя, / в пустыню Сергиеву
пришед, / любителю смирения прилепився, / подоби-
ный бо подобнаго познавает / и смирение смирен-
наго возносит, / якоже и видим в тебе, отче наш
Михее, / и ныне предстои Престолу Святыя Трои-
цы, / моли о совершающих память твою.

Стихиры храма, глас 5:

В пост Рождества Христова, / нощи субботней
преполовляющейся, / тихия стопы Царицы Небес-
ныя услышав, / преподобный Сергей великия
радости исполнился / и потщася изыти в сретение. /
Ты же, отче наш Михее, / последовал еси учителю
твоему. / Небеснаго на земли с ним явления / и
спребывания на Небеси сподобляясь, / Христа
умолите, преподобнии, / низпослати нам велию
милость.

Свет возсия Небесный в храме твоей, / преподобне отче Сергие, / и слышася глас неведомый: / се, Пречистая грядет! / и по мале зриши Владычицу мира со двумя апостолома, / и, припад к ногам Ея, / моляся о заступлении места сего / и о всех во Христе чадах твоих, / сего ради и мы, чада твоя, молимся: / моляся не престаи, / получи ти нам у Христа велию милость.

Петр, верховный апостол, / и девства хранитель Иоанн Богослов, / ученик Христов, друг и наперсник, / последоваху Пречистой Деве Марии, / посещаяще отца нашего Сергия, / вкупе же и смиренного Михея, / сподобляюще радости Небесныя / и место сие света исполняюще, / благими обетованиями утешаяще / и молитву приемлюще о спасении душ наших.

Пение хвальное акафистово / угодно есть Владычице мира, / вы бо, отцы блаженнии, / совершаяще сие бодренно, / посещения от Нея сподобистесь, / дивнаго зренья, беседы и чуднаго видения / и предвкушения Царствия Небеснаго, / егоже получи ти Христа умолите / и нам, убожающим подвиги ваша.

Глас 8: Егда в нощи совершал еси бдение, / преподобне отче Сергие, / пред образом Чистой Богоматери, / взирая часто, к Ней глагола еси: / О Пречистая Мати Христа моего! / Крепкая Помощнице роду человеческому, / буди нам, недостойным, Ходатаица, / присно молящаяся к Сыну Твоему и Богу нашему, / да призрит на место сие милостиво, / Единому в Троице Богу возлагаемое, / и спасет души zde имущих жителствовати / Царствия ради Небеснаго.

О, преславнаго чудесе! / О, неизреченнаго снисхождения! / Руками бо Пречистая коснуса Сергия, вещаящи: / Не ужасайся, избранниче Мой, / придох бо посетити тебе: / молитва бо твоя о учениках услышана есть, / и да не скорбиши прочее, / неотступна буду присно места сего / и по твоём еже ко Господу отхождении, / потребная изобильно подаваящи, / сохраняющи обитель твою и покрывающа. / И сими благими обетованиями утешивши, невидима бысть.

Отче преподобне Михее, / ужасеся дух твой в дивном посещении, / и по отшествии в Горняя Царицы со апостола / ко учителю твоему зывал еси: / извести ми, отче, Господа ради, / что сие бысть чудное видение? / понеже дух мой вмале не разлучися от мене, / блистания ради, егоже не могох зрети, / покрых одеждою лице мое. / Он же отвещая тебе: / мало потерпи, чадо мое, / ибо и во мне дух мой трепещет, / призови скоро Исаакия и Симона, / с ними же прославим Матерь всех Бога, / подающую нам велию милость.

Слава, глас 6:

Храм, иже сокрывает святых мощи твои, / мал есть и покажет смирение, / еже имел еси в животе твоём, / отче наш Михее, / от словес бо Евангельских научился еси / кротости, смиренню, послушанию, / подражая Христу Богу нашему, / сего ради и возлюблен ученик / Сергия великаго был еси, / сподобляясь Небеснаго видения, / сожителства и от рук его погребения, / и напутия в Горния обители, / с ним же и ныне предстои Престолу всех Царя, / молися о совершающих память твою верно.

И ныне, Богородичен: Кто Тебе не ублажит:

Вход. Прокимен дне. И чтения.

Пророчества Исаиина чтение (глава 35):

Радуйся пустыня жаждущая, / да веселится пустыня / и да цветет яко крин. / И процветет, и возвеселится пустыня Иорданова, / и слава Ливанова дадеся ей, / и честь Кармилова, / и узрят людие Мой славу Господню и высоту Божию. / Укрепитеся рuce ослабленные и колена разслабленные; / утешитесь малодушнии умом, / укрепитеся, не бойтесь. / Се Бог наш суд воздает и воздаст, / Той придет и спасет нас. / Тогда отверзутся очи слепых / и уши глухих услышат. / Тогда скочит хромый, яко елень, / и ясен будет язык гугнивых; / яко проторжеса вода в пустыни / и дебрь в земли жаждущей. / И безводная будет во езера / и на жаждущей земли источник водный будет: / тамо будет веселие птицам, / и селитва трости и лузи. / И

тамо будет путь чист и путь свят наречётся; / и не прейдет тамо нечистый, / ниже будет тамо путь нечист, / разсеянии же пойдут по нему и не заблудят. / И не будет тамо льва, / ни от зверей злых не взыдет нань, / ниже обрящется тамо, / но пойдут по нему избавлении. / И собрания Господем обратятся, и прийдут в Сион с радостью, / и радость вечная над главою их. / Над главою бо их хвала и веселие, / и радость примет я; / отбеже болезнь, печаль и воздыхание.

Премудрости Соломони чтение (глава 3):

Праведных души в руке Божией, / и не прикоснется их мука. / Непщевани быша во очесех безумных умерети, / и вменися озлобление исход их. / И еже от нас шествие сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, / великими благодетельствовани будут, / яко Бог искуси я / и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стоблию, потекут. / Судят языком и обладают людми, / и воцарится Господь в них во веки. / Надеющиеся Нань разумуют истину / и вернии в любви пребудут Ему, / яко благодать и милость в преподобных Его / и посещение во избранных Его.

Премудрости Соломони чтение (глава 4):

Праведник, аще постигнет скончатися, в покои будет. / Старость бо честна не многолетна, / ниже в числе лет исчитается. / Седина же есть мудрость человеком, / и возраст старости — житие нескверное. / Благоугоден Богу быв, возлюблен бысть / и живый посреде грешник преставлен бысть. / Восхищен бысть, да не злоба изменит разума его, / или лесь прельстит душу его. / Рачение бо злобы помрачает добрая, / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Людие же видевше и не разумевше, / ниже положше в

помышлѣнии таковѣе, / яко благодать и мѣлость в преподѣбныхъ Егѡ / и посещѣние во избранныхъ Егѡ.

На литіи стихіра храма, глас 5: В пост Рождестѣ Христовѣ: **зри на Гѡсподи, воззвахъ:**

Слава: преподѣбному, глас 1:

Владѣще Христу стопамъ послѣдуя, / чистоты жилище показался еси, / светомъ озарився Духа Святаго, / Небеснаго видѣния причастникъ былъ еси, / темже и наследника тѣ Христосъ показа. / Царствія Своего Небеснаго, / егѡже получитьи и намъ, ѡтче Михее, моли, / совершающимъ память твою, / во спасѣние душъ нашихъ.

И нынѣ, Богородичен:

Радуйся, радости праотцевъ, / и преподѣбныхъ отецъ весѣлие, / и покровъ насъ, Дѣво, рабовъ Твоихъ.

На стихѡвне стихіры, глас 5:

Приидіте, вси вѣрнии, / восхвалимъ пѣрвыя ученики великаго Сѣргія: / Михея, ближайшаго сожителя, / Никона, стопамъ отца послѣдующаго, / Василія Сухаго и послушливаго Иакова, / Онисима диакона и привратника, / Елиссѣя, в добродѣтели состарѣвшагося, / Митрофана, саномъ игумена почтеннаго, / постригшаго преподѣбнаго Сѣргія, / и пѣрваго пресельника в вѣчныя обители.

Стихъ: Честна предъ Гѡсподемъ / смерть преподѣбныхъ Егѡ.

Радуйся, пустыне Радонежская, / прорастившая крѣны духовныя / в вертоградѣ преподѣбнаго Сѣргія: / Сѣмона, архимандрита Смолѣнскаго, / познавшаго свѣтлость послушанія / и дивнаго птицъ видѣнія сподѣбившагося, / Исаакія, молчаливаго и слѣзы точащаго, / ѡгненное благословѣние отъ аввы приившаго, / с нимже и чуднаго Макарія, / Ангела во святѣлицѣ узрѣвшаго, / сихъ воспомянувшѣ, Бѡга прославляемъ.

Стихъ: Блаженъ мужъ, бойся Гѡспода, / в заповѣдехъ Егѡ восхоцетъ зело.

Радуйся, славная обитель Сѣргіева, / память творящи ученикъ егѡ: / Илиї пречуднаго и Иоаннїкїя, / Сѣмона еклїсиарха, видевшаго огнь Божественный, / окружающъ преподѣбнаго, / Игнатїя,

по смёрти Сѣргия узрѣвшаго, / Михея, Варфоломѣя
и Наума, / явленныхъ врагамъ осаждающимъ, / Алек-
сандра, в схѣме воина, дѹшу предавшаго за Русь
православную, / Андрѣя же сподвѣжника его, /
Епифанія Премѹдраго, написавшаго сѣя, / и весь
ликъ ученический, / в концѣхъ земли нашея Бѹгу
угодившихъ.

Слава, глас 8:

Монаховъ множества, / наставники ныне чтимъ
отцы преподобнии, / пожившии во обители препо-
добнаго Сѣргия: / блажени вы есте, Христу
работавшии / и вражю низложившии силу, / Ан-
геловъ собесѣдницы, праведныхъ сожителіе и свя-
тыхъ, / с нимиже молитесь Господеви, / помилovati-
ся душамъ нашимъ.

И ныне, Богородичен:

Храмъ воздвѣженъ во обители сей / в славу и
память посещенія Богоматери, / Юже молитѣ,
отцы блаженнии, / подати намъ оставленіе греховъ, /
и душамъ нашимъ велию милость.

Тропарь, глас 4:

Иго Господне на рамо вземъ, / последовалъ еси
Христови со учителемъ своимъ преподобнымъ
Сѣргіемъ, / с нимже и сподобился еси видѣти
Пресвятую Богородицу. / И слышалъ еси преслад-
кий гласъ Ея, / яко обещаюся неотступна быти мѣста
сего, / но, о преподобне Михее, / молися о чтущихъ
святую память твою.

Слава, и ныне, Богородичен воскресен.

НА УТРЕНИ

На Богъ Господь: тропарь святаго, дважды.
Слава, и ныне, Богородичен воскресен или праздни-
ка.

По 1-м стихословіи седален, глас 1:

Благочестно на земли житіе скончавъ, / друже-
лице Дѹха ты явился еси, / просвещая верою къ
тебѣ притекающія; / темже молися твоему Влади-

це просветіти ду́ши на́ша, / восхваля́ющих тя,
Михее, о́тче наш.

Слава, и ныне, Богородичен:

**Ра́дуйся, Богоро́дице Де́во; / ра́дуйся, похвало́
всея́ вселенны́я; / ра́дуйся, Пречи́стая Ма́ти Бо́-
жия́ Благослове́нная.**

По 2-м стихосло́вии седа́лен, глас 5:

**По́стника Господня́ пёсньми почт́им, / прило́ги
страсте́й умертви́вшего воздержани́ем и кре́пким
терпёнием, / и посрами́вшего горды́ню сопроти́в-
наго, / и ны́не моля́щагося Го́сподеви о спасе́нии
душ на́ших.**

Сла́ва, и ны́не, Богоро́дичен:

**Тебе́ мо́лимся я́ко Бо́жией Ма́тери: / Благосло-
ве́нная, моли́ о спасе́нии душ на́ших.**

По полиеле́и седа́лен, глас 1:

**Страсте́й востание́ поgréбл еси́ / умерщвлёнием
плóти, о́тче Михее, / жизнь безконечную́ по сме́рти
прия́л еси́; / те́мже днесь Христо́ва Це́рковь пра́з-
днует твою́ досточу́дную па́мять, / преподо́бных
украше́ние.**

Сла́ва, и ны́не, Богоро́дичен:

**В жена́х Свята́я Богоро́дице, Ма́ти Безневе́-
стная, / моли́, Егóже родила́, Царя́ и Бо́га, / да
спасёт нас, я́ко Человеколю́бец.**

**Степе́нна, 1-й антифо́н 4-го гласа. Прокі́мен:
Честна́ пред Го́сподем / сме́рть преподо́бных Егó.
Стих: Что возда́м Го́сподеви о́ всех, я́же воздаде́
ми? Вся́кое дыха́ние: Ева́нгелие от Матфе́я, за-
ча́ло 43.**

По 50-м псалме́ стихи́ра, глас 6:

**Преподо́бне о́тче, / во всю зе́млю изы́де веще́ание
исправле́ний твои́х, / тем на Небесе́х о́брёл еси́
мзду трудо́в твои́х, / де́монския погуби́л еси́ полки́ /
и а́нгельския дости́гл еси́ чи́ны, / ихже жити́ю
непорóчно поревновáл еси́, / дерзнове́ние имéя ко
Христу́ Бо́гу, / мир испроси́ душáм на́шим.**

Канон праздника со ирмосом на 6, ирмосы по дважды. И преподобнаго канон на 6, глас 2, егоче краегранесие: Преподобному Михею пою хвалу от сердца.

Песнь 1

Ирмос: Во глубинѣ постла иногда / фараонитское всевоинство преоруженная сила, / воплощшея же Слово всезлюбный грех потребило есть: / препрославленный Господь славно бо прославися.

Похвальное тебе привнести пение, Богоносе Михее, тщащуся, / подаждь ми благодать молитвами твоими, / яко да подвиги твои честныя проповем.

Радостно ярем Господень от юности, Богомудре, восприим, / вдалься еси учителю твоему, преподобному Сергию, / и сему неотлучно сожителствовал еси, слава Бога.

Еже паче всего быти в послушании познал еси, отче, / множайшими поты восприим Вышнее Царство, ангельски на земли пожив, / и ныне предстои Святей Троице, нас поминай.

Богородичен: Приидите, людие, ублажим Матерь Божию, / посетившую место святое сие и обещавшуюся неотступна быти, / Еяже словеса и Михей слышати сподобися.

Катавасия по уставу.

Песнь 3

Ирмос: Процвела есть пустыня, яко крин, Господи, / языческая неплодящая, Церковь / пришествием Твоим, / в нейже утвердися мое сердце.

О, твоего мужества, о, душевныя доблести, славне! / Ты бо, невидимыя враги сокрушити желая, / своей воли отрелся еси, делом на всякое повеление отвечаая.

Достойно подвиги твои похвалити кто возможет? / Ты бо в пустыни, на Маковице жителствуя, / глад и жажду со учителем твоим претерпевал еси.

Огню явльшуся во святителици, и окружающе преподобнаго Сергия, и неопаляюще, / якоже

древле купина, юже Моисей видев таинственно, / слышав ты о чудеси сем, верою утвердился еси.

Богородичен: Богородице, всех Царице, / умоли над всеми царствующаго Сына Твоего Христа Бога нашего, / да избавит обитель сию от бед и напастей, якоже предрекла еси.

Седáлен, глас 4:

Блажен ты, отче Михее, войстинну и треблажен был еси, / прилепляясь бо к смиренномуудру старцу, / смирением душу твою напоил еси, / послушания же доблесть усвоив тако, / яко и по смерти делом сие являеши, / шествие творя скоро к Москве на конех, / якоже виден был еси со иными двема, Варфоломеем и Наумом, / призывая ратныя люди на помощь осажденным, / темже, ублажаяюще, молим тя: / прииди и ныне к нам на помощь, осажденным грехи многими, / крепкою твоею молитвою низложи враги, борющия ны.

Слáва, и ныне, Богородичен:

Стена непобедимая нам, христианом, еси, Богородице Дево: / к Тебе бо прибегающе, невредими пребываем. / И паки согрешающе, имамы Тя Молитвенницу. / Тем, благодаряще, вопием Ти: / радуйся, Благодатная, Господь с Тобою.

Песнь 4

Ирмос: Пришел еси от Девы, не ходатай, ни Ангел, / но Сам, Господи, воплощся, / и спасл еси всего мя, человека. / Тем зову Ти: слава силе Твоей, Господи.

Ни лютость врагов духовных, ни скудость пустыни / расслабиша терпения твоего, преподобне, / но яко адамант тверд, пребыл еси, / ревностию Божественною распалюемь.

Особь беседуя Богу и Сему приближаяся душею, Михее, отче наш, / никогдаже победился еси ленистию, / но бодр присно пребывая, на всякое дело уготован.

Миро благовонное — Христа приим в сердца твоем, / подобяся Ему, еже послушливу быти до

смёрти, / тѣмже к черто́гу Небѣсному радостно
потѣкл еси́ по стопамъ Влады́ки.

Богородичен: Удивляется всяк языкъ и страна, /
зряще, Владычице, сбытіе словесъ Твоихъ, / ибо
даже и до днесь неоскудно пребываетъ великая
Лавра, обитель Сѣргіева.

Песнь 5

Ирмос: Ходатай Бо́гу и челове́ком был еси́,
Христѣ Бо́же: / Тобо́ю бо, Влады́ко, к Светоначаль-
нику Отцу́ Твоему́, / от но́щи невѣдения / преведе-
ние ймамы.

Му́дрость сущую, Христа́ Бо́га, обитающую в
души́ твоѣй, / стяжавъ изобильно, Богому́дре Ми-
хее, / всякія сѣти злобы́ адскаго хитреца́ растер-
зал еси́, / самаго́ себѣ вдавъ в послушаніе.

Истинно росю́ по́дви́г твоихъ, о́тче преблаже́-
нне, погасивъ вся стра́сти, / возже́гл еси́ огонь́ любве́
и ве́ры к твоему́ учите́лю, / воздержаніе во всемъ
имѣя, свѣти́льниче безстра́стия.

Хотя́ Трои́це жили́ще ду́шу твою́ сотворити, /
потщале́ся еси́ тѣснымъ и прискорбнымъ путе́м,
подража́я ста́рцу, шествовати, / при хра́ме Святы́я
Трои́цы живя́ и непреста́нно моля́ся.

Богородичен: Е́же от усердія, приими́, Влады́-
чице, / приносимое Тебѣ благодареніе и хвалу́ и
просвети́ ду́ши наша, / вси бо челове́цы есмы́,
лишены́ славы́ Бо́жией.

Песнь 6

Ирмос: В бездне грехо́вней валя́ясь, / неизсле́д-
ную милосердія Твоего́ призываю́ бездну: / от тли,
Бо́же, мя возведи́.

Ю́же прия́л еси́ благодать творити плоды́ ду́ха: /
любы́, радость, мир, долготерпѣніе, / блага́ость,
милосердіе, ве́ру, крото́сть, воздержаніе, / по-
даждь и нам моли́твами твоими́.

По́стническими по́двиги у́глие страсте́й угасивъ
войстинну / и огнемъ любве́ к Бо́гу попали́л еси́
невѣріе, и хулу́, / и всякое возно́шеніе, взимающе́е
на разу́м Бо́жий, преподо́бне.

Оте́чество и род ты, о́тче, оста́вив, / в пусты́ню
прише́л еси́ к вели́кому Сѣргію, / с нѣмже подвиза́-

яся при храме Живоначальныя Троицы, / дом Духу Святому себе сотворил еси.

Богородичен: Юноши, и старцы, и всяк возраст, / приидите, ныне восхвалим Преблагословенную в женах Матерь Деву Отроковицу, / являющуюся со апостолы преподобным отцем Сергию и Михею.

Кондак, глас 8:

Приидите, монашествующих собори и постников лица, / сошедшеся, похвалим блаженного Михея, / сподвижника преподобного Сергия, / с нимже предстоит Святей Троице / и молится спастись душам нашим.

Икос:

Евангельский глас, отче, услышав: / аще не будете, яко дети, не внидите в Царствие Небесное, / и аще кто хочет по Мне ити, да отвержется себе, — / вся убо оставил еси мирская пристрастия, / богатство и славу, яко прах, вменив, / детски вдалься еси преподобному Сергию, повинуюся во всем. / Мы же, память твою совершающе, вопием ти сице: / радуйся, отче, заповедей Господних исполнителю; / радуйся, послушания и смирения добрый рачителю. / Радуйся, хранителю старческих повелений; / радуйся, сопричастниче тайных откровений. / Радуйся, сподвижниче живущим во Имя Святыя Троицы; / радуйся, достойный зритель явления Пресвятыя Богородицы. / Радуйся, Михее, делателю смиренномудрый.

Песнь 7

Ирмос: Богопротивное веление беззаконнующаго мучителя / высок пламень вознесло есть, / Христос же простре Богочестивым отроком росу духовную, / Сый благословен и препрославлен.

Христу себе сочетав, кротостию, терпением и повиновением / ум прегордый Божественным смирением смирил еси, поя присно: / благословен Бог отец наших.

В пустыни труждайся, / яко крин, прозябл еси, добродетельми украшен, / краснейшее прозябение, отче Михее, поя Богу в души твоей: / благословен еси, Господи, во веки.

Ангелом земным в дому Живоначальныя Троицы подражая, жителствовав, / Небесный человек сотворился еси, / и ныне на Небесех ликуеши со Ангелы во веки.

Богородичен: Любящая место сие, Мати Божия, Препрославленная, / угаси пещь страстей наших милосердием Твоим, / да воспеваем Тя во веки со избранники Твоими.

Песнь 8

Ирмос: Пещь иногда огненная в Вавилоне действия разделяше, / Божиим велением халдеи опаляющая, / верныя же орошающая, поющая: / благословите, вся дела Господня, Господа.

Уклонился еси, отче досточудне, от зле ведущих к погибели, / к стезям же Божественным прилепился еси / и душу твою Христу предал еси, / да царствуеши с Ним во веки.

От земли на Небо духом преселился еси, отче, / тело же твое руками учителя в земли погребесе. / Ныне же со святыми ликует дух твой, взывая: / благословен еси, Господи Боже, во веки.

Святую Троицу чествовати научился еси от учителя твоего Сергия преподобнаго, / темже и Бог вас превознесет и дарова честь, / еже со Ангелы и всеми святыми славити Его во веки.

Богородичен: Есть воистинну сей святыи день, / в оньже собрал нас Матерь Божия прославити подвиги преподобных отец, zde просиявших, / ихже память пребывает во веки.

Песнь 9

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

Рече Господь: / прославляющаго Мя прославлю. / Воистинну сбьшася словеса сия, / тако бо прослави Господь преподобнаго Сергия / и ученик его множество в земли Российстей, / яко и до днесь слава их зрится.

Добр учитель, и добри суть ученицы его: / приснопамятный Никон, приявший бремя отече-

ское, и Михей смиренный, / Иаков Якута и Василий, прежде всех пришедый, / Онисим диакон и Елиссей, добре подвизавшийся.

Царствовати имут с ними и Митрофан игумен, / Симон же архимандрит и другой Симон, / Исаакий и Макарий, зрители Ангела, / Илия, Игнатий и Иоанникий преславнии, / Александр и Андрей воины и Епифаний Премудрый.

Богородичен: Ангелов Царицу и монашескаго чина ангельскаго Владычицу, / приидите вси, восхвалим и поклонимся Ей, / Та бо неложно обещаея быти неотступна места сего до скончания века.

Светилен:

Свет Христов вселися в тя, Михее преподобне, / да, предуготовав чистотою жизни душу твою, / узриши свет Небесный в посещении Богоматери и не умреш.

Слава, и ныне, Богородичен:

Сладость Ангелов, преподобных радование, / христиан всех Предстательнице, Дево Мати Господня, / заступи нас и избави вечных мук.

На хвалитех стихиры, глас 3:

Слава Тебе, Христе Боже, / преподобных похвало и постников веселие, / подвизавшихся в посте и молитвах, / ихже упование — вечное блаженство, / еже славити Троицу Единосущную.

Воссия днесь пресветлая память / отца нашего Михея, / краткога ученика краткога учителя, / созывающа монахов ликостояния / похвалити подвиги послуживша Сергию верно, / и по смерти осаждающими виденнаго, / и получившаго у Христа велию милость.

Божественною силою, отче, одеаяся, / умертвил еси себе миру: / житие непорочно пожив, преславне, / купножитель Сергия Богоноснаго быв, / с нимже молися Христу Богу / спасти души наша.

Чистоты сосуд показался еси, / озаряемь Божественною светлостию, / и ныне на Небесех Христа зриши лицом к лицу, / моли Его, отче Михее, / о совершающих память твою верно.

Слава, глас 2:

Смирѣн, незлѣбив, прост и крѣток, / паче инѣх
войстинну, / и чист сѣрдцем показался еси, / Божѣ-
ственных видѣний сподобляемь, / чїстии бо
сѣрдцем Бѣга ўзрят, / якоже речѣ Господь. / И ныне
предстои́й Святѣй Трѣице, / моли́ся, ѡтче Михѣе, /
во ѣже спастися нам.

И ныне, Богородичен, глас тойже:

Все упованіе моѣ на Тя возлагаю, / Мати Бѣ-
жия, / сохрани́ мя под крѣвом Твоимъ.

Славословіе великое и прочее.

НА ЛИТУРГІИ

**Блаженны от канѣна святаго на 4, песнь 3. Прокимен,
глас 7: Честна предъ Господемъ / смерть преподѣбныхъ Егѣ.
Стих: Что воздамъ Господеву о всехъ, яже воздаде ми?
Апѣстолъ къ Галатомъ, зачало 213. Евангелие отъ Лукы, зачало
24. Причастен: В пѣмѣть вѣчную:**

Молитва

О преблаженне и Богомудре ѡтче Михѣе! Ты
йстиннаго Пастыря Христа заповѣди исполняя,
всяко весѣлие, ѣже в мїре, возненавидѣл еси и
житіе твоѣ в слезѣхъ препровождѣл еси, телѣсныя
страсти до конца умерщвляя и во всемъ послѣдуя
житію учителя твоего преподѣбнаго Сѣргия, с
нїмже и сподѣбился еси видѣти Небѣсную Царї-
цу, Пресвятую Богородицу, посещѣющую вас и
благодѣтне обещающую, яко неотступна будетъ
от мѣста сего. О таковѣй, данней тебѣ благодѣти,
ведуще мы, яко и ныне купно с Богоноснымъ аввою
твоимъ во обитѣляхъ свѣта обитѣеши и Господу
предстоиши, смиренно молимъ тя, къ честнѣй раце
твоей припадающе: не престѣни вкупе с нимъ
моляся о насъ къ Господу нашему Иисусу Христу и
Пречїстей Егѣ Матери, о ѣже сохранити страну
нашу в мїре и благопрѣбываніи, побѣду на враги
даровати, всемъ же намъ во благочѣстии и чистотѣ и
взаимной любви тихое и безмѣлвное житіе устро-
ити, от глада, губительства, огня, мечѣ, междоусѣб-
ныя брани и от всякия бѣды и нужды насъ
избавити, да, спасѣни душею же и теломъ, едино-

душно сла́вим в Трѳице сла́вимаго Бѳга, Отца́, и Сы́на, и Свята́го Ду́ха, ны́не, и прѳсно, и во ве́ки веко́в. **Ами́нь.**

Преподобный Михей Радонежский был одним из первых учеников Преподобного Сергия Радонежского, жил с ним в одной келлии и под его руководством достиг высокого духовного совершенства. За кротость души и чистоту сердца преподобный Михей при жизни удостоился быть свидетелем явления Божией Матери своему великому наставнику. Однажды Преподобный Сергий, совершив молитвенное правило, сел немного отдохнуть, но вдруг сказал ученику: «Бодрствуй, чадо, мы будем иметь чудное посещение». Едва произнес он эти слова, как чей-то голос возвестил: «Пречистая грядет» — и внезапно засиял свет ярче солнечного. Преподобный Михей пал ниц на землю и от

страха он лежал как мертвый. Когда Преподобный Сергий поднял своего ученика, тот спросил: «Скажи мне, отче, что это за чудное видение? От ужаса душа моя едва не разлучилась от тела». Тогда Преподобный Сергий рассказал своему ученику о явлении Пресвятой Богородицы.

Святой Михей представился к Богу в 1385 году. Празднование памяти преподобного Михея совершается 6 мая, мощи его почивают под спудом в Троице-Сергиевой Лавре. 10 декабря 1734 года над местом погребения преподобного Михея освящена церковь в честь Явления Пресвятой Богородицы со святыми Апостолами Петром и Иоанном Богословом Преподобному Сергию Радонежскому.



**В
ТОЙЖЕ
ДЕНЬ**

**Пренесѳние честныхъ мощѳй святѳтеля Саввы,
перваго архиепископа и учителя Сѳрбскаго,
от Тѳрнова града в сла́вную Лавру Милешеву
в честь Вознесѳния Господня**

НА МАЛОЙ ВЕЧѳРНИ

На Господи, воззвах: стихѳры, глас 1.

Подобен: Небѳсных чино́в:

Небѳсных чино́в житиѳ возлюбѳв / и на землѳ
мятежное житиѳ презрѳв, / сам себе, яко дар
пречѳст и чѳстен, / Трѳице принѳсл еси́, / славосло́-
вити же Отца́ и Сы́на и Ду́ха Свята́го / всех научѳл
еси́.

Отѳческую любѳвь, и красная́ ми́ра сегѳ, / и
вла́сти высоту́ нивѳчтоже вмени́в, Савво блаже́н-
не, / единаго Христа́ вожде́лев, пресла́вне, / и крест
Его́ на ра́мо взем, / ско́ро последовал еси́ Ему́, /
вседу́шно моля́ся о душа́х на́ших.

Стра́нствию Владѳчню уподо́блься, / стра́нна
себе сотвори́в отѳчеству твоѳму, / блаже́нне Савво

святителю, / темже дом на Небесех уготовил еси в
Вышнем граде Иерусалиме / и молишися о всех
нас, / почитающих святое твоё пренесение.

**Блаженне святителю Савво, / честная твоя душа
правовёрным смыслом сияючи, / добродетельны-
ми светлостью озаряет верных исполнение, /
бесовскую тьму отгоняючи, / тем и многомолитвен-
ное тело твоё во граде Тырнове нетленно пре-
бысть, / паки же ко своему отечеству славно
пренесёся.**

Слава, глас 5:

**Божественная и всечестная рака твоя, / Богоб-
лаженне отче наш Савво святителю, / источает
верным просвещение, / и боголюбезная твоя душа /
на Небесех со Ангелы ликовствует, / некончаемое
веселие от Господа восприемши, / но убо, равноче-
стне и апостолом и святителем, / славо купно же и
удобрение, / дерзновение имея ко Владыце, / неп-
рестанно молися о хвлящих тя, / и славящих
твоих мощей пренесение, / и твоя славная, и
пречудная, и богоугодная деяния почитающих, /
нашему же Православию пособствуй / и отечество
свое, тезоименитно ти, сохраняй, / исходатайствуй
ему мир и велию милость.**

И ныне, праздника.

На стиховне стихиры, глас 2:

**В дому Божиим / процвёл еси, яко финикс, / и, яко
кедр, / умножил еси чада своя, / тем твоё святое
пренесение славим.**

**Стих: Что воздам Господеву о всех, / яже воздаде
ми?**

**Приидите, христоролюбивая чада, / и видите тело /
отца своего / невредимо и свято, / от града Тырно-
ва приношаемо.**

**Стих: Честна пред Господем / смерть преподоб-
ных Его.**

**Блажен еси, Савво, Богомудре отче наш, / яко
врученный ти талант / добре умножил еси, / темже
твоё святое пренесение / любовью прославляем.**

Слава, глас 6:

Днесь созывает нас всечестное торжество / Богоносного святителя Саввы / в похваление и славословие Божия пения, / тем, веселящися, радостными усты возопиём, глаголюще: / радуйся, святым богодухновенная красото / и преподобным удобрение; / радуйся, постников правило и мучеников наследниче; / плоть свою Христови распят / и со Христом распят страстная помышления, / апостольскому сословию ревнителю / и праведников поборниче, / апостольски же подсолнечную прошед, / сирым и убогим бысть питатель / и пленным свободитель, / тем непрестанно молися о душах наших.

И ныне, праздника.

Тропарь святого (зри на велицей вечерни).
Слава, и ныне, праздника.

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах:
стихиры на 8, глас 6:

Днесь благодать Святого Духа / вся празднующи созывает / на торжество великаго святителя / в пренесение честных его мощей / от града Тырнова во свое отечество, / темже вси духовными песнями / Савву Богомудраго прославим, / молящегося прилежно спастися душам нашим.

Егда преставление пречистаго твоего тела готвяшеся, / тогда ангельская воинства, зряще тя, / Божественными светлостми сияюща, / пресвятыи твой дух радостию воспринимашу, / всегда в возделенная тобою места Горняго Иерусалима / достигше, молящеся, провождаху, / мы же, с Вышними ты ликующа, и со апостолы водворяема, / и к нам от града Тырнова светло приходяща, молим: / пресвятыи Савво святителю, / Христа Бога моли помилдоватися душам нашим.

На всечестное твое успение / чиноначалия ангельская земных на торжество совокупляюще, / еже святого твоего духа покоище прославляюще, / хвалами всесвященными твой верх венчают, / мы же, смиренномудрии, пение тебе приносяще / и

святѡе твоѡе пренесѡние честнѡхъ мощѡй почитающе, / преподѡбне Савво святителю, молимъ тя: / моли спастися душамъ нашимъ.

Ины стихиры, глас 1:

На торжество свѡтлое, священную трапѡзу, / приидите, вернии, причастимся, / Савва бо ны созываетъ, сотрапѡзники духовныя, / егѡже трапѡза божественная и сладкая, / но не заколение и пища смертная. / Тогѡ уподобимся кротости и незлобию / и простѡму человеколюбию всеумудрому, / святителю, во святителехъ просиявшему.

Отче священне, / твоегѡ жития светлостью вселенная просветится, / и омрачится бесовская лесь, / и недѡзи душевнии отгоняются, / и Церковь, радуясь, празднуетъ тѡла твоегѡ пришествие, / божественныхъ и благодатныхъ твоихъ мощѡй, / попирающихъ страсти и разрушающихъ мракъ.

Отче досточудне, / церковь создалъ еси Присносущнаго Божества / и церкви же возлюбилъ еси святѡя / на Божественное Троицы хваление, / оживилъ еси ны Божиюю благодатию, / милостивый стяжавъ разумъ.

Слава, глас 4:

Не подобаше ти, святителю, / отѡчество свое оставльшему, жити в Търнове, / отонѡдуже по изволению Божию, / твоя боголюбѡзная чада с кралеи Владиславои / многомолѡбное пѡние тебе принесѡша, / еже возвратитися тебе во своя, / и, яко милостивъ и человеколюбивъ сый, / пришелъ еси ко своей пастве. / Темже слышавше се, / собори Сѡрбския земли со архиереи и священники / и множество народа с кадилы и благоухания / пречестное тѡло твое сретаютъ / и со слезами и радостью любѡзне любызаютъ, / краль же Владиславъ, якоже иногда пророкъ Давидъ, / предъ грѡбомъ свѡтаго скакаше, играя и веселясь, / радости и весѡлия исполняшеся, / видя стрѡя* своего, во обитель свою пришедша. / Возвеселися же и Церковь, видевши тя, святителю, / исповѡдающи-

* стрѡй — дядя.

ся, глаголющи: / величит слава моя Господа, / даровавшего мне жениха, и утверждение веры, / и богатство в моей нищете, / и долготу покаяния. / Темже молимся, святителю, / мир испроси душам нашим и велию милость.

И ныне, догматик.

Вход. Прокимен дне. И чтения три святительская (зри страницы 330—332).

На стиховне стихиры, глас 5.

Подобен: Радуйся:

Радуйся, святителей честное, / и богоносное, и доброгласное удобрение, / доброто целомудрия, православия степень, / новый нам Савво, / раздаватель телесных пищи алчущим / и духовных пищи требующим податель, / убогим, яко отец милостив, / сопросветитель отечества своего с церковными учителями, / ихже породил еси Духом и Божественными учениями, / всех уча Божественного человеколюбия величеству. / Христу ныне молися / даровати душам нашим велию милость.

Стих: Честна пред Господем / смерть преподобных Его.

Радуйся, просвещенная главо, / иже тьму злостивую отгнавши оружием благочестия, / иже отечеству своему утверждение и Церкви стена. / Священнолюбцы, приидите, / почтим память просвещшаго нас, / и Богу присных рабы соделавша, / и греховный мрак Божию благодатию отгнавши, / и к нам светло днесь из Тырнова града пришедша, / темже согласно возопием ему: / поминай чада у Христа, / чтущия тя непрестанно, блаженне, / и празднующия верно присночестную память твою, / молися подати миру велию милость.

Стих: Что воздам Господеву о всех, / иже воздаде ми?

Радуйся, святителю Христов Савво, / избранный же благоухания фимиам, / цвете райский, / верным просвещение, / Слово проповедниче велегласен, / уме Небесный учеником, / твердый столпе, святителю Божий, / светило незаходимое и Церквам украшение, / светильниче многосветлый, / иже за-

ко́ном Божественным просвети́ отечество своё, /
Христу́ помоли́ся / даровати душамъ нашимъ велию
милость.

Сла́ва, глас 6:

Приидите, собори Сѣрбскія земли, / видим прес-
ла́вное чúdo: / днесъ учителя́ нашего и отца́, / от
Тѣрно́ва гра́да к намъ прише́дша, / яко да спя́щия
ны во гресѣхъ оживи́ти /, приидите днесъ, неразу́ми-
ем усну́вшии, подиви́мся / и, сего́ сла́дости учитель-
скія насыща́яся непреста́нно, си́це рцемъ: / ра́дуй-
ся, апо́столу Па́влу совсѣльниче, / яко изъясни́л
еси́ ве́рнымъ лю́демъ исти́нная проповѣ́дания; / ра́-
дуйся, громогласная́ тру́бо, / провозвестившая́ намъ
пу́ть спасе́ния; / ра́дуйся, святи́телемъ исти́нное
пра́вило, / и, яко дерзнове́ние у Христа́ имѣя, / моли́
спасти́ся душамъ нашимъ.

И ны́не, пра́здника.

Тропа́рь, глас 3:

Пути́, вводя́щаго в жизнь, / наста́вник, и перво-
престо́льник, и учи́тель был еси́: / пе́рвее бо
прише́д, святи́телю Са́вво, / отечество́ твоѣ прос-
вети́л еси́ / и, породивъ то́е Ду́хом Святы́м, / яко
древа́ ма́слинная, / в мы́сленномъ ра́й насади́л еси́
всеосвяще́нная твоѣ ча́да. / Темъ, яко апо́столомъ и
святи́телемъ сопресто́льна / чту́ще тя, мо́лимъ: / моли́
Христа́ Бо́га / даровати́ намъ велию́ милость.

НА УТРЕНИ

На Богъ Господь: тропа́рь пра́здника, два́жды.
Сла́ва, тропа́рь свята́го. И ны́не, пра́здника.

По 1-м стихосло́вию седа́лен, глас 8:

Оте́ческаго любве́ отлучся, ма́тернее же желáние
небре́г, / едина́го возжелѣвъ Отца́ Небесна́го / и
То́му весь прилепи́лся еси́ по́ты же, и труды́, и
моли́твами непреста́нными, / темъ и востече́ на Го́ру
Святу́ю, / мно́гия же, тебѣ послѣдова́вшия, Бо́гу
привѣл еси́, / Са́вво, преблаже́нне о́тче, моли́
Христа́ Бо́га грехо́в оставле́ние подати́ / чту́щимъ
любо́вию святу́ю па́мять твою́.

Сла́ва, и ны́не, пра́здника.

По 2-м стихословии седален, глас 4:

Удиви́шася вся а́нгельская во́инства жити́ю тво́ему честнóму, / ѿмже к ним причт́еся, а́нгельски бо в ми́ре пож́ив; / устраши́шася же земни́и челове́цы, зря́ще пречестнóе т́ело тво́е, / ви́дяще, ꙗ́ко тлѣнное в нетлѣнное прелож́ено, / и с радóстию и любóвию сретáют, припада́юще, любѣзно целу́ют, / Христа́ велича́юще, просла́вльшаго тя, суща́го во вся вѣки.

Сла́ва, и ны́не, прáздника.

По полиелѣи седален, глас 5:

ꙗ́ко святѣтеля вси и Божѣственнаго проповѣдника хва́лим тя, Сáвво преблаже́нне, / учѣнии бо Божѣственными отѣчество своѣ озари́л еси́, / и, мрак неразу́мيا отогна́в, насади́л еси́ плоды́ Богоразу́мيا, / и со А́нгелы ны́не сла́виши Христа́, / Егóже непрестáнно моли́ о душа́х на́ших.

Сла́ва, и ны́не, прáздника.

Степѣнна, 1-й антифóн 4-го глása. Прокѣмен, глас 4: Уста́ моя возглаго́лют премудрость / и поучѣние сѣрдца моего́ разу́м. **Стих:** Услѣ́шите сия́, вси язъ́цы, внуши́те, вси, живу́щии по вселѣнной. **Всякое дыха́ние: Евангелие от Иоáнна, зачáло 36.**

По 50-м псалмѣ стихѣра, глас 6:

Днесь благода́ть Свята́го Духа / вся празднолю́бцы созывáет на торжество́ велика́го святѣтеля / в пренесѣние честнѣх егó мощей от гра́да Ты́рнова во своѣ отѣчество, / тѣмже вси духо́вными пѣсньми / Сáвву Богомудраго просла́вим, / моля́щагося приле́жно спаст́ися душа́м на́шим.

Пѣрвый канóн святѣтелю Сáвве, глас 4.

Песнь 1

Ирмо́с: Трѣста́ты крѣпкия, / Рожде́йся от Дѣвы, / безстра́стия во глубинѣ / души́ трича́стное пото́пѣ, молю́ся, / да Тебе́, ꙗ́ко в тимпа́не, / во умерщвлѣнии телесе́ / побѣдное воспóю пѣние.

Просвети мою душу и сердце, / молю Тя, Свето-
давче и твари Создателю, / дар подав мне песнями
воспеть Твоего угодника, честного святителя, /
имже отечество его от скорби избави.

К ширине, блаженне, твоих похвал / управи ума
моего тесноту и свет послы сердцу моему, / поющу
светоносную и славную память твою, святителю
прехвальне.

Радостно повинуюся Божиим повелением, морию
сошественик бысть, / яко солнце к западу, твоими
мощми пришел еси, / просвещая отечество свое,
Савво блаженне.

Богородичен: Неусыпающую, Чистая, имущи
молитву, / успи наша страсти душевные священ-
ными ходатайствы Твоими, / Божественную и
спасительную дающи бодрость к Божиим хотениям
исполнению.

Ин канон святителю Савве, глас 6.

Песнь 1

Ирмос: Чувственный фараон потоплен бысть со
всеобинством, / Израиль же, прошед посреде моря,
вопяше: / Господеви Богу нашему / поим, яко
прославися.

Земля ликует и небо с человеки радуется
боголепно / в твой, мудре, святыи праздник, / в
оньже священное твое тело от града Тырнова к
твоему стаду доиде, / славне святителю, Духу
честное жилище.

Распяв плоть свою страхом Владычним, / умер-
твися миру, премудре святителю Савво, / и
ныне преиде весело к животу вечному, пребла-
женне.

Мертв миру бысть, Савво, Божественным
вселением, / и по святем преставлении и по
погребении твоём в отечество твое пренесен
бысть светло, / егоже облагоухаеши, чудне.

Богородичен: Иже Сый со Отцем Соприсносущ-
ный Сын, / напоследок восхотев, вселися в ложесна
Твоя на наше, Богородице, верных отрождение: /
темже воспеваем Тя.

Песнь 3

Ирмос: *Не мудростию, и силою, и богатством хвалимся, / но Твоею, Отчею Ипостасною Мудростию, Христэ: / несть бо свят, паче Тебе, Человеколюбче.*

Славне Савво, Божия уста быв, / из уст волка неприязненна люди отечества своего избави / и преведи на радость и веселие, поюция песнь Свету.

Заградí язвы струп наших, / за нас, твоих людей паствы, молися / и направи ны ко Щедрому Господу, святителю славне, заступление творя, / да не погибнем, яко неразумни.

От всякаго зла спаси отечество свое и православныя христианы, / и споборствуй им, яко великий Архистратиг Иисусу Навину, / потщися и помози, зело призываем тя, святе, / да не постигнет ны смерть и лютость.

Во Египте древле на руку Девичу носим, бесовская трéбища потребив, / в Сэрбию паки Савву послал еси вразумити Твое вочеловечение / и Божию, Христэ, Твою тайну.

Богородичен: *Тя, Предстательницу, Пречистая Дéво, стяжахом, / претвори нашу печаль на радость / и скорби избави, раждающия смерть.*

Ин

Ирмос: *На твердем веры Твоея камени / помышление утвердив души моея, / утверди, Господи, / Тя бо имам, Блаже, / прибежище и утверждение.*

Людие отечества твоего, / видевше тя, преблаженне, приносима, сретоша со святителю, / ихже украси десница твоя, / ихже и простертими руками приимаху твое святое тело, / яко великаго гражданина и заступника теплаго.

Святителю блаженне Христов Савво, / иногда во Иерусалим и в Синай шествовав, / а ныне во отечество свое пришел еси, / чудеса творя дивная на спасение миру всему.

Был еси жилище чисто и учением испытал еси глубину, святителю, / зломыслящих потопляя умы, верных же напаяя сердца, / темже твое честное празднуем пренесение.

Богородичен: *Разрешение нам грехов дати,*

Чистая, Избавителя умоли, / помрачение все от душ наших присно Твоими молитвами разгоняючи.

Седáлен, глас 4:

Удивися, святительство паче естественнаго приёма, / возшед бо на высоту, приял еси дар давати исцеления притекающим тебе с верою, / сего ради вопием ти, преподобне Савво: / непрестанно моли о творящих память твою.

Слава, и ныне, праздника.

Песнь 4

Ирмос: *Седяй в славе на престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христе, силе Твоей.*

Всю злобу победив змиеву, / в незлобии души своей пожив, Савво Богомудре, / из злобы мя исторгни и страстей смертоносных / и благими образы украси, / яко да восхвалю добре подвизавшагося.

От рождения тя, Савво, родитель, яко Самуила священнаго, Богу принесё / и преда, от младых ногтей воспитатися в дому священнем, / служа Господу Вседержителю, просвещающе добродетельми твою душу.

Твое пречистое тело, во гробе лежа, не истле отнюд, / но цело обретесе, преблаженне святителю, / егоже со тщанием принесше, радовахуся любезная твоя чада, / ты богомудро ублажающе, святе Савво святителю.

Богородичен: *Воинства ангельская ужасаются, Пречистая, / воспевающе величество Божественнаго рождества Твоего, / с ними же моли, Дево, всем спастися, верою чистою Тебе блажащим.*

Ин

Ирмос: *Услышах слух Твой / и убояхся, / разумех дела Твоя и ужасохся: / слава силе Твоей, Господи.*

Твой ученицы, похвальные ти венцы приносим, святе Савво, / прими и заступи душевные наша немощи, / излеи на ны милостивное твоё, отче, изволение / и твоими молитвами от напасти спаси.

На *Небесе Богу и Владыце всех предстоя,*

Богомудре, / на земли в Божественней Того
Церкви мудро вселися, / премудре святителю Сав-
во, / Емуже помолися от душевных болезней и
скорбей избавитися поющим тя.

Проповедник неизреченнаго, да возвеличится
ныне святитель, / се бо по временней смерти добре
Божиим мановением / паки приходит во свое
отечество, / того священно песньми Божественны-
ми почтим.

Богородичен: Безневестная Владычице, Благо-
словенная Богородительнице, / поющая Тя спасай
от всякаго вреда, / едина человек Помощнице.

Песнь 5

Ирмос: Нечестивии не узрят славы Твоея, Хри-
сте, / но мы Тя, Единородне, / Отческие Славы
Сияние Божества, / от нощи утренююще, / воспева-
ем Тя, Человеколюбче.

Красней нозе твой, преблаженне, / по стези
шеествовавши сведений Божественных, / по тем
добро ступаючи, на пространство велие Небесна-
го Царствия дошедша, / Савво преславный.

Укрепй тя, на пути Божии ходяща, Ангел/
глаголати прежде будущая ясно, Савво пребога-
те, / равна Ангелом суща и вне плоти духом.

Тя, преблаженне отче, приносима, Сербская
земля восприимлет, / богатяючи Божественными
твоими учении, / жителя тя своего имущи, блажен-
не Савво, / паче багрянницы украшается.

Богородичен: Умныма очима, Дево, зря Тя,
Исаия вопиет: / се хочет родиться от Девы
Богоотроковицы Иисус Господь, / в человек
паки возрождение.

Ин

Ирмос: Свет возсияй миру, Христе, / просвети
сердце мое, / от нощи Тебе зовуща, / и спаси мя.

Со слезами вопием ти, Савво преблаженне: /
избави свою паству от огня, и меча, и иноплемён-
ников, / и междоусобицы, и глады, и всякаго зла.

Творит ныне всебогато праздник Божия
Церковь / твоих мощей, отче, пренесением, славя-
щи всех Творца, / возвеличившаго тя, Савво
преблаженне.

**Честна́, преблаже́нне, смерть твоя́ пред Бо́гом
на́шим яви́ся, / ея́же ра́ди прославля́ешься прише́-
ствием твои́м, о́тче, / ко оте́честву твоemú, свя́те.**

**Богоро́дичен: Е́же бы́ти нам подава́й / в Твою́
утро́бу всели́ся, Богоро́дице, / Егóже моли́ спасти́
нас.**

Песнь 6

**Ирмо́с: Приидо́х во глуби́ны морскі́я, / и потопи́-
ла мя е́сть бу́ря мно́гих грехо́в, / но, я́ко Бог, из
глуби́ны возведи́ живо́т мой, Многоми́лостиве.**

**Благоуха́ют, преподо́бне, твоего́ уче́ния словеса́
благодати́ю Ду́ха Свята́го, / Божество́ Еди́но в Трех
Ли́цах, Сло́ва же воплоще́ние поя́, / благоуха́еши
нас, пребога́те.**

**Досто́йно ти дарова́ Христос градожи́тельство
на Небесе́х, / пребыва́ющаго бо zde гра́да не
возлюбил еси́, блаже́нне Са́вво, / ве́рен служи́тель
быв и приста́вник та́йнам Егó пребога́т.**

**Пресла́внии страстоте́рпцы Серге́й и Вакх раду́-
ются, / име́юще Божество́нное твое́ тело́, святите́-
лю, / в це́ркви Христо́вой положено́ с ни́ми, /
веселя́щее ду́ши и сердца́ ве́рою припада́ющих к
ра́це твое́й, Са́вво пребога́те.**

**Богоро́дичен: Лю́дие Тво́й и град мо́лят Тя, Ма́ти
Бо́жия: / изми́ нас вся́кия ну́жды / и та́мошняго,
Всесвята́я Влады́чице, ве́чнаго осужде́ния.**

Ин

**Ирмо́с: Кито́м пожре́н грехо́вным, / вопию́ Тебе́,
Христэ́: / я́ко проро́ка, / из ислéния мя свободи́.**

**Творе́ц Бог тебе́ заступника́ нам даде́, / тем зове́м
ти: / потщи́ся, Са́вво свя́те, и зло́бы изба́ви ны, /
ско́рби бо вели́кия и ратны́я,* телéсныя и душе́в-
ныя, рабы́ твоя́ обдержáт, / от ни́хже изба́ви ны,
иерарше́ Христóв.**

**Мертвенное́ тело́ твое́ Сербская́ земля́ воспри-
яла е́сть, / живонóсную свéтлость испуща́ющее,
преблаже́нне Са́вво, / и умерщвлéнных страстьми́
смертоно́сными исцеля́ющее Ду́хом Божество́н-
ным.**

* ратны́я — противные, вражеские.

Преподобне возвратився в своё отечество, немёрная умирил еси, / и положён бысть в раце в дому Спасове, святителю, / Егóже ради обогатился еси властью, прехвальне.

Богородичен: Дéво еди́на Чíстая Обра́дованная, помози ми, / прísно обуреваему житейскими напáстми.

Конда́к, глас 6:

Заступниче скорбящим, / в напáстех помóщнице, / ко Влады́це молебниче, / не презри нас, смиренных, обремененных грехи, / но предвари и исхити от мук вечных с верою молящихся, / ускори на заступленье и потщися на помóщь, / заступи, святителю Христов Савво, поющая тя.

Икос:

Приими мольбы́ наша, иерарше Господень, и́миже недоуменно припадаем ти, недостойнии, / множеством заступлений твоих призьри нас всегда, припадающих ти, / неусыпною своею молитвою и неизреченною помóщию не остави нас / и подаждь рабóm твоим избавленье от всех нападений лóтых, / тебе́ бо заступника и́мамы, святителю, иерарше Христов Савво, / от стужающих нас бед лóтых, / но яко имéя дерзновение ко Влады́це всех, / люди заступи, святителю Христов Савво, прísно поющая тя.

Песнь 7

Ирмос: Юноши три в Вавилóне, / веление мучителево на буйство преложше, / посреде́ пламене вопияху: / благословен еси́, Гóсподи, / Бóже отец наших.

Яко уязвлен Трóическим Бóжиим рачением, / Тому́ созда́ Божественныя обители, и в них насади́ богожеланныя мýжи, и научи́ пети: / благословен Бог отец наших.

Прииде светильник от Ты́рнова на свещнице положитися, / приспе украшение Бóжия Цёркве, / воспойте Гóсподеви, пойте с веселием, / и, срéтение творяще ему́, духовно возопийм: / óтче, молитвами твоими спаси́ нас, поющих: / благословен Бог отец наших.

Павлов неложный, Савво, бысть светильник / и того стопам последовал еси, преподобне, и подвижник наречёся, / монахом, и святителем, и всем быв правило, ихже научи пети: / благословен Бог отец наших.

Богородичен: Успи востания страстей моея души, / бодренною молитвою Твоею даждь ми бодрость, Отроковице, / уныния дремание далече отгоняючи.

Ин

Ирмос: Преподобных Твоих отроков песнь услышавый / и пещь горящую оросивый, / благословен еси, Господи, / Боже отец наших.

Престолу Божию предстоя, святителю блаженне, / о верных своих рабах моления непрестанно твори, / верою вопиющих Христу: / благословен Бог отец наших.

Радуется днесь Богоносных святителей собор, / ихже ты породил Духом, честным пренесением твоих мощей, / и празднуют люди Сербския земли, священнотайнниче мудре Савво, зовуще: / благословен Бог отец наших.

Обстоим, ликующе, Богоносне отче, священную твою руку / и богато от нея почерпаем верою, блаженне Савво, исцелений благодать, зовуще: / благословен Бог отец наших.

Богородичен: Владычице всех человек, Святая Богородице, / работы мя страстные Твоими молитвами до конца свободи.

Песнь 8

Ирмос: Избавителю всех, Всесильне, / посреде пламене благочествовавши, / снизшед, оросил еси / и научил еси пети: / вся дела, благословите, пойте Господа.

Паче инех честнейши, Савво, / бысть убо тебе ради Сербская всеславная митрополия, / Христу Богу принесё начаток священен, / всех Царю поющи непрестанно: / Господа пойте и перевозносите Его во веки.

Сотворяюще ныне празднственное веселие, Савво, / пренесением твоих честных мощей, / люди вернии хвалою зовут ти: / присный Христа Царя угодниче, / исцели недуги душ и телес

наших, моляся всех благ Подателю: / вся дела, Господа пойте и превозносите Его во веки.

К раце мощей твоих святых, людие отечества твоего, приходим и от сердца зовем: / помилуй свой рабы и от печали избавляй, / видиши бо вся печальны и унылы, / но моли Милостиваго Бога избавити нас вскоре твоими молитвами.

Богородичен: Милости Твоея мя сподоби, / Милостивейшаго Слова рождши, Благословенная Всечистая, / в час судный предстани / и избави тамошняго мя, Чистая, осуждения.

Ин

Ирмос: Преподобнии Твой отроцы / в пещи Херувимы подражаху, / трисвятую песнь воспевающе: / благословите, пойте / и превозносите во вся веки.

Земля от своих недр предаде ты священнолепна, цела же и неразрушима, / благоуханием чудес удивляюща града жителей перстию гроба твоего, пророчески вопиющих: / праведницы во веки живут.

Персть, облегающая многострадальное твое тело, отче, / показася дражайши камне сапфира, целевна бо и чудотворива, / и паче злата верными ценима, поющими достойно: / честна пред Господем смерть преподобных Его.

Царя благочестиваго, держаща святыню и благословение, / твое святое и честное тело, / сонным явлением пренести убеждаеши, / егоже чада твоя со святители и священники, яко пребогатое сокровище, во своя пренесоша.

Богородичен: Поем Тя, Дево Богородительнице, / Еяже ради клятва неплодна бысть и благословение всем прииде, / ведущим Тя едину Матерь Бога нашего безмужную.

Песнь 9

Ирмос: Ева убо недугом преслушания / клятву вселила ест; / Ты же, Дево Богородице, / прозябением чревоношения миру Благословение процвела еси. / Тем Тя вси величаем.

Кораблем, блаженне, красным преплыв сверепеющее море жития, / дошел еси к пристанищу

небу́рному, раду́ясь, / и ны́не предсто́иши с ли́ком
А́нгелов, / моля́ за ны Милосе́рдаго.

Днесь Божество́нная митропо́лия, наместника
до́бляго тебе́ стяжа́вши, пра́зднует, / Божество́нное
творя́щи твоё пра́зднество со все́ми епа́рхи-
ями и гра́ды, / ихже соблюда́еши свои́ми моли́тва-
ми.

Христолюбивый Владисла́в самоде́ржец, я́коже
дре́вле Дави́д, / пред киво́том предсто́я́ свята́го
твоего́ те́ла, ра́довашеся, поя́: / вели́чит ду́ша моя́
Го́спода, / я́ко даде́ ми отца́ и учи́теля, / и во це́ркви
Свое́й, раду́ясь, положи́л есть.

Богоро́дичен: Глас Тебе́ Божество́ннаго Гаври-
и́ла прино́сим ра́достно и взыва́ем: / раду́йся, раю́,
Я́же дре́во живото́ное посреде́ иму́щая всегда́,
пресла́вная Сло́ва Пала́то, / раду́йся, Де́во Всене-
пороч́ная.

Ин

Ирмо́с: *Е́же раду́йся от А́нгела прии́мшая / и
ро́ждшая Созда́теля Своего́, / Де́во, спаси́ Тя
велича́ющия.*

Явися чу́до стра́шное в са́мый час успе́ния: /
па́че со́лнца твоё ли́це, о́тче, заблιστά, / внегда́
приидо́ша ли́цы святы́х, дух твой восприе́млюще /
и Бо́гу Творцу́ принося́ще.

Стека́ются лю́дие па́сты твоёя, / кра́ль же
благочестивый и священны́х служи́телей
мно́жество / и возложи́ша твоё честное́ те́ло на
вы́и* богоприятны́я, / я́ко киво́т, пресвяты́й дар
принося́ще, тебе́ велича́ху.

Днесь пра́зднственно лику́им вси, / созыва́ет бо
Са́вва святите́лей собо́р и честны́я черноризцы на
ликова́ние духо́вное / и на трапе́зу безсме́ртныя
жи́зни.

Богоро́дичен: Все́ми владе́ющи тва́рьми, / лю́дем
Твои́м да́руй победы́ на враго́в моли́твами святы́-
теля, / да Тя я́ко Богоро́дицу велича́ем.

Свети́лен:

Святите́ля Христо́ва да восхва́лим, па́мьть его́
че́стно торжеству́юще, / той бо нам подаёт трапе́зу

* выи — шея.

духовную, / еяже духом насыщающесея, наслаждение Божественное получаем, / Светодавца прославяюще.

Слава: Твое пречистое тело, во гробе лежащее, не растлесея отнюд, / но цело обретесея, преблаженне святителю Савво, / егоже со тцанием принесоша, радовахуся божественная твоя чада, / благоверна питателя богославно ты и богомудра ублажаем, / Христу молящагося о душах наших.

И ныне, праздника.

На хвалитех стихиры на 4, глас 2:

В премирная селения дух твой, блаженне, / Христос Бог приемлет / и, со Ангелы вселив, у Себе упокоил есть, / в лице святых веселяся / и со духи праведных почивая, / идеже души праведных веселятся, / во гласе радования шума празднующих, / идеже всех веселящихся жилище, / нам испроси очищение / и водворение во светлости святых.

Радостно ныне да воскликнем, / и радостию возопием, / и руками да восплещем светло, / собра бо нас благодать духовная / в память пренесения честных мощей святителя Христова, / Богоносного отца нашего Саввы, / нас бо собирает, питомцы церковныя, / на славословие Божия пения, / вознесшагося во славе Христа Бога нашего, / к Немуже возопием: / просвещение, и освящение, и мир наш, / Господи, слава Тебе.

Кто не удивится, кто не ублажит, / кто не прославит пречистаго твоего жития, святе? / На безсмертную бо жизнь смертию преложися, / светом освещаяй всех, / призывающих ты и славящих святое твое пренесение, / от скорби, и бед, и напастей нас спасай / и освещай стадо свое присно молитвами своими.

Кими похвальными венцы / венчаем Савву святителя? / Апостольски подсолнечную прошедшаго / и дошедшаго до султана, царствующаго Вавилоном, / и той, неверен сый, страхом неким одержим, / потребным тебе, Савво, послужи, / даше ти проводителя до султана, царствующаго Египтом, / и той, неверен сый, / потребным

тебѣ, святителю, послужив, / да́ше тебѣ проводите-
ля до Горы Синайския, / и тамо, Савво, с преподоб-
ными водворися, / слезныя источники источая / и
Христа Пречистой Матери моляся / даровати ми-
рови велию милость.

Слава, глас 4:

Истины исповедника, / и благочестия рачи-
теля, / и темным просветителя, / приидите,
празднолюбцы, Савву да ублажим, / во святых
святителя и постником сожителя, / иноком настав-
ника, и мирским учителя, / и мучеником ревнителя, /
апостольски трудившася, / еже бо по местом, и
по градом, и по землям, Павлу подобяся, / труды
и пути твоя кто исповесть? / Того венец нося,
предстоиши Троице, / от Христа Мздовоздаителя
проси молитвами своими, святе, / мир мирови
даровати / и душам нашим велию милость.

И ныне, праздника.

Славословие великое. И отпуст.

На Литургии служба святителю обща.

Перенесение мощей святителя Саввы, первого архиепископа Сербского, совершилось через год после его блаженной кончины (†1237; память 12 января) в царствование святого короля Владислава (†1239; память 24 сентября). Святитель Савва скончался в Тырнове (Болгария) и был погребен в Тырновском храме во имя Сорока мучеников Севастийских. По просьбе преемника святителя Саввы архиепископа Сербского Арсения благочестивый король Владислав обратился к своему тестю — болгарскому царю Асену с просьбой передать сербам мощи равноапостольного просветителя сербского народа святителя Саввы. Однако ни Асен с придворными, ни Патриарх Болгарский с верующим народом не хотели расстаться с великой святыней, которую они благоговейно хранили и почитали на своей родине. Второе послание короля Владислава также не изменило дела. Тогда святой Владислав сам отправился в Болгарию, где был торжественно встречен царем Асеном. Прежде чем просле-

довать во дворец, святой Владислав прибыл в храм во имя Сорока мучеников, чтобы поклониться мощам святителя Саввы. В горячей молитве он просил святителя не оставлять Сербию без своего покровительства, смягчить сердце царя Асена, чтобы он передал честные мощи сербскому народу. Его молитва была услышана. На следующую ночь царю Асену во сне явился святитель Савва и повелел отдать мощи сербам. У гробницы святителя была отслужена Божественная литургия. Когда открыли гроб святого, то увидели его нетленное тело как бы сияющим. От святых мощей и даже от гроба святителя разлилось по всему храму благоухание, многие тырновские жители получили исцеление от своих недугов.

Когда святые мощи перевозили в Сербию, святой король Владислав ехал впереди процессии с псалмопением, как некогда святой царь и пророк Давид пред ковчегом Завета. В Сербии множество верующих во главе с архиепископом Арсением и всем клиром торжественно встретили

процессию. Многие больные исцелились тогда у мощей святителя Саввы.

Святые мощи его были помещены в храм в честь Вознесения Господня в монастыре Милешево. Через некоторое время святитель Савва явился во сне одному богобоязненному иноку, повелел извлечь мощи из гроба и положить их в храм для всеобщего поклонения. От мощей святителя Саввы совершались многочисленные чудесные исцеления. Святитель Сав-

ва неоднократно помогал сербам отстаивать независимость своего отечества. Многие воины видели святого впереди своего войска.

Литература

1. Иустин (Попович), архимандрит. Жития святых. Май. Белград, 1974.
2. Афонский Патерик. Ч. 1. СПб., 1875.



В
ТОЙЖЕ
ДЕНЬ

Свята́го мученика Ва́рвара, бѣвшаго разбо́йника

Тропа́рь, глас 4:

Мученик Твой, Го́споди, Ва́рвар, / во страда́нии
своём венѣцъ приѣтъ нетле́нный от Тебе́, Бо́га
нашего: / имѣяй бо кре́пость Твою́, / мучи́телей
низложи́, / сокруши́ и де́монов немощны́я дерзо-
сти. / То́го моли́твами / спаси́ ду́ши на́ша.

Конда́к, глас 3:

От Бо́га да́нныя ти благода́ти, / страсотѣрпче
Ва́рваре свя́те, / яко многоце́нным ми́ром, нас
посещай́ целе́бне, / да вопие́м ти: / ра́дуйся, испи́-
вый сла́достне ча́шу Христо́вых страсте́й.

Святой мученик Варвар, бывший разбойник, жил в Греции и долгое время совершал разбои, грабежи и убийства. Но Господь, не хотящий смерти грешника, обратил и его к покаянию. Однажды, когда Варвар сидел в пещере и смотрел на множество награбленного имущества, благодать Божия коснулась сердца его. Он подумал о неминуемой смерти, о Страшном будущем Суде. Размышляя о множестве содеянных им злодеяний, он сокрушился сердцем и решил положить начало своему покаянию, говоря: «Господь не презрел молитвы висевшего рядом с Ним разбойника и меня да пощадит по неизреченной милости Своей». Варвар оставил в пещере все свои сокровища и пришел в ближайшую церковь. Он не скрыл от священника

свои злые дела и умолял принять от него покаяние. Священник предложил ему место в своем доме, и кающийся Варвар последовал за ним, передвигаясь на коленях и локтях, как четвероногое животное, ибо считал себя недостойным звания человека. В доме священника Варвар пожелал поселиться вместе со скотом и питался с животными, считая себя хуже всякой твари. Получив от священника разрешение своих грехов, Варвар ушел в лес и прожил там 12 лет без одежды, нагой, терпя холод и зной, отчего все тело его почернело. Наконец святой Варвар получил извещение свыше, что грехи его прощены и что он скончается мученической смертью. Однажды по местам, где подвизался святой Варвар, проходили купцы. В густой траве перед ними

что-то задвигалось. Думая, что это зверь, они пустили туда несколько стрел из луков. Подойдя ближе, купцы ужаснулись, увидев, что смертельно ранили человека. Но святой Варвар просил их не скорбеть, рассказал о себе и просил сообщить о случившемся священнику, в доме которого он ранее жил. После этого святой Варвар предал дух свой Богу. Прес-

витер, принявший покаяние бывшего разбойника, нашел тело его, озаренное Небесным светом. Он предал погребению тело святого Варвара на месте его кончины. Впоследствии от гроба святого начало истекать целебное миро, которое исцеляло различные болезни. Мощи его находятся в монастыре Келлий в Фессалии, близ города Лариссы.

